

**TXOJKEV PAB
LOS SAUM
NTUJ LOS**



TXOJKEV PAB LOS SAUM NTUJ LOS

“TXOJKEV PAB LOS SAUM NTUJ LOS” yog muab Vajtsvv Txojlus tej nqe uas sib dhos coj los tso ua ke. Kuv ntseeg hais tias qhov uas yuav txhais Phau Vajlusku tau zoo tshaj plaws yog Vajtsvv Txojlus nkaus xwb.

Vajtsvv Txojlus los “Saum Ntuj Los” thiab txojlus ntawd muaj nqi ntau pab txhua tus lub siab uas tshaib thiab nqhis txojkev ncaj ncees. Thaum ib tug neeg twg hloov dua siab tshiab, tso nws txoj kev txhaum tseg, caw Tswv Yexus Khetos los nyob hauv nws lub siab, thiab ntseeg kawg siab kawg ntsws hais tias Tswv Yexus Khetos yog tus Cawmseej, tus Tswv yuav qhia kom nws paub tus Tswv tseeb thiab pub rau tus uas ntseeg Nws lawm muaj Tus Tswv li kev kaj siab thiab kev zoo siab. Kuv muaj tej no txij thaum xyoo 1937, thiab kuv zoo siab heev qhov uas kuv tau nrog tus Tswv sib raug zoo thaum ntawd los txog tav no. Kuv thov nqua hu koj kom cia li txais yuav Nws ua koj tus Cawmseej thiab ua tus Tswv TAMSIM NO, yog hais tias koj tseem tsis tau txais yuav Nws ua ntej.

—Watson Goodman (1920-2002)

Tiamsis Vajtsvv qhia rau peb hais tias Vajtsvv hlub peb kawg li, rau qhov thaum peb tseem ua neeg txhaum Yexus Khetos tuag theej peb lub txhoj.

—Loos 5:8

Thaum yuav txog hnub ua Kevcai Hla Dhau, Yexus paub hais tias twb txog lub sijhawm uas nws yuav tawm hauv lub ntiajteb no rov mus cuag Leej Txiv lawm. Yexus yeej ibtxwm hlub nws cov neeg uas nyob hauv ntiajteb no, thiab nws yuav hlub lawv mus txog hnub kawg li. —Yauhas 13:1

Tus uas muaj kev hlub loj tshaj plaws yog tus uas zoo siab tuag theej nws cov phoojywq. —Yauhas 15:13

Thiab Yexus Khetos tus uas ua timkhawv ncaj ncees, tus uas yog tus Tub hlob uas Vajtsvv twb tsa sawv hauv qhov tuag rov qab los lawm, thiab yog tus uas kav tagnrho tej vajntxwv hauv ntiajteb no huv tibsi. Nws yog tus uas hlub peb thiab muab nws cov ntshav ntxuav peb tej kev txhaum tawm mus lawm.

—Tshwmsim 1:5

Rau qhov Vajtsvv hlub neeg ntiajteb kawg li, nws thiaj txib nws tib Leeg Tub los rau hauv ntiajteb. Tus uas ntseeg nws Leej Tub, tus ntawd yuav tsis tuag, tiamsis yuav tau txojsia ntev mus ibtxhis.

—Yauhas 3:16



Thaum ub los Tus Tswv tshwm rau kuv hais tias, “Kuv ibtxwm hlub nej; yog li ntawd kuv muab kev hlub thiaj rub nej los lawm.”

—Yelemis 31:3

2 YEXUS KHETOS YOG VAJTSWV

Txhua tus puavleej paub hais tias zaj uas peb ntseeg yog zaj uas tseemceeb kawg nkaus. Vajtswv los Yug ua neeg, Vaj Ntsujplig qhia rau sawvdaws hais tias nws yog tus uas ncaj ncees; Vajtswv cov tubtxib saumntuj puavleej pom nws; muaj neeg qhia nws zaj rau txhua haivneeg, tej neeg uas nyob txhua qhov hauv ntiajteb no los ntseeg nws, thiab Vajtswv coj nws mus saum ntuj lawm. -1 Timautes 3:16

Thaum chivkeeb Txojlus yeej muaj nyob lawm; Txojlus ntawd ibtxwm nrog Vajtswv nyob, thiab Txojlus ntawd yog Vajtswv. Txojlus ntawd tau los Yug ua neeg, thiab nrog peb nyob lawm... puv npo tkojkev tshavntuj, thiab qhov tseeb.

-Yauhas 1:1, 14b

Tej no muaj raws li tej lus uas tus Tswv tau qhia rau tus cev Vajtswv lus lawm hais tias, “Ib tug nkaujxwb yuav xeeb tub thiab yuav Yug ib tug metub thiab sawvdaws yuav hu nws lub npe hais tias Emanu-ees” (Lub npe no txhais hais tias, “Vajtswv nrog peb nyob”). -Mathais 1:22, 23

“Leej Txiv thiab kuv yog tib tug.” -Yauhas 10:30

Yexus teb hais tias, “Filis, kuv twb nrog nej nyob ntev los lawm, ua li cas koj tseem tsis tau paub kuv thiab? Tus uas pom kuv, tus ntawd twb pom Leej Txiv lawm. Ua li cas koj tseem yuav hais tias, ‘Thov koj qhia Leej Txiv rau peb pom thiab’? Filis, koj tsis ntseeg hais tias kuv nyob hauv Leej Txiv thiab Leej Txiv nyob hauv kuv los?” Yexus hais rau nws cov thwjtum hais tias, “Tej lus uas kuv qhia rau nej no tsis yog kuv tej lus. Tiamsis yog Leej Txiv tus uas nyob hauv kuv, ua nws tes haujlwm xwb.” -Yauhas 14:9, 10

Tus uas qhia hais tias Yexus yog Vajtswv tus Tub, Vajtswv yeej nrog tus ntawd sib raug zoo thiab tus ntawd yeej nrog Vajtswv sib raug zoo. –1 Yauhas 4:15

Tus tubtxib saumntuj teb rau nws hais tias, “Vaj Ntsujplig tus Dawbhuv yuav los rau saum koj, thiab Vajtswv lub hwjchim yuav roos koj. Vim li no sawvdaws thiaj yuav hu tus uas dawbhuv uas yuav yug los ntawd hais tias, nws yog Vajtswv tus Tub.” –Lukas 1:35



Muaj ib tug menuam twb los yug hauv peb cov lawm! Vajtswv muab ib tug tub pub rau peb! Thiab nws yuav ua tus kav peb, nws lub npe yuav hu ua “Tus Tuavxam, tus uas muaj Txuisci, Vajtswv tus muaj hwjchim loj kawg, Vaj Leej Txiv tus uas nyob mus ibtxhis, Vajntxwv tus uas muaj kev thajyeeb.”

–Yaxayas 9:6

Thaum Petus tseem tabtom hais li ntawd, txawm muaj ib tauv huab ci dawb paug los roos lawv, thiab muaj ib lub suab hais hauv tauv huab ntawd tuaj hais tias, “Tus no yog kuv tus Tub uas kuv hlub, kuv txaus siab rau nws, nej cia li mloog nws lus.” –Mathais 17:5

Tus txivneej ntawd teb hais tias, “Xibhw, thov koj qhia kuv saib nws yog leejtwg? Kuv thiaj paub ntseeg nws.” Yexus hais rau nws hais tias, “Koj twb pom nws lawm, (Vajtswv tus Tub) tus uas tabtom nrog koj tham no twb yog nws.” –Yauhas 9:36, 37

Hauv Yexus Khetos muaj Vaj tswv nyob thoobplaws li. –Kaulauxais 2:9

YEXUS QHIA PEB HAIS TIAS NWS YOG LEEJTWG

Nws hais rau lawv tias, “Nej tshwm hauv no los, kuv los saum ub los. Nej yog ntiajteb no li, kuv tsis yog ntiajteb no li.” ... Yexus hais rau lawv tias, “Kuv hais tseeb tseeb rau nej tias, ua ntej Anplahas nyob, kuv yeej nyob lawm.”

—Yauhas 8:23, 58

Tus pojniām ntawd hais rau Yexus hais tias, “Kuv paub hais tias tus Mexiyas yuav los, tus ua npe hu ua Khetos, thiab thaum nws los lawm, nws yuav qhia txhua yam rau peb.” Yexus teb hais tias, “Kuv uas tabtom nrog koj tham no yog tus ntawd ntag.”

—Yauhas 4:25, 26

Yexus qhia lawv hais tias, “Kuv yog cov mov uas cawm neeg txojsia. Tus uas los cuag kuv, tus ntawd yuav tsis tshaib ib zaug li; tus uas ntseeg kuv tus ntawd yuav tsis nqhis ib zaug li lawm.”

—Yauhas 6:35

Yexus rov hais rau lawv hais tias, “Kuv qhia tseeb rau nej hais tias kuv yog lub rooj nkuag yaj.”

—Yauhas 10:7

Yexus hais rau Mathas hais tias, “Kuv yog txojkev sawv hauv qhov tuag rov qab los thiab yog txojsia. Tus uas ntseeg kuv, txawm yog nws tuag lawm los nws yeej yuav rov muaj txojsia.”

—Yauhas 11:25

Nej hu kuv ua Xibhwb thiab tus Tswv, nej hu li ntawd yog lawm rau qhov kuv yeej yog tiag.

—Yauhas 13:13

Yexus teb Thaumas hais tias, “Kuv yog txojkev, yog qhov tseeb thiab yog txojsia; tsis muaj leejtwg mus cuag tau Leej Txiv, tsuas yog mus mus ntawm kuv mus xwb thiaj tau.”

—Yauhas 14:6

Yexus kom sawvdaws zaum ntawm tej nyom; Yexus muab tsib lub ncuav thiab ob tug ntses los, ces nws tsa qhovmuag saib rau saum ntuj thiab ua Leej Txiv tsaug, thiab muab cov ncuav ntais cev rau cov thwjtum thiab cov thwjtum coj mus faib rau sawvdaws noj. Txhua tus puavleej tau noj tsau huv tibsi. Cov thwjtum mus sau cov ncuav seem uas sawvdaws noj tsis tas tau kaum ob tawb puv nkaus. Cov neeg uas noj mov hnub ntawd, cov txivneej muaj kwvlam li tsib txhiab leej, tsis suav cov pojniam thiab menuam.

-Mathais 14:19-21

Thaum nwg qhia tas lawm, nws hais rau Ximoos hais tias, “Nej cia li nquam lub nkoy mus tom qhov uas dej tob, ais nej muab vas tso lawm hauv dej thiaj li yuav mag tau ntses.” Ximoos teb hais tias, “Tus Tswv, peb twb ntaus ib hmo kaj ntug tsis tau ib tug li, tiamsis kuv yuav tso lub vas mus raws li koj hais.” Lawv txawm tso lub vas mus, thiab mag tau ntses ntau kawg li, lub vas pib ntuag.

-Lukas 5:4-6

Muaj ob tug txivneej digmuag zaum ntawm ntug kev hnov hais tias Yexus taug kev tuaj, ces nkawd txawm hu nrov nrov hais tias, “Au tus Tswv, Daviv tus Tub! Thov koj hlub wb!” ... Nws nug nkawd hais tias, “Neb xav kom kuv pab neb dabtsi?” Nkawd teb hais tias, “Tus Tswv, thov koj kho wb ob lub qhovmuag kom pom kev!” Yexus hlub nkawd, nws txawm cev tes mus kov nkawd ob lub qhovmuag; ces tamsim ntawd nkawd txawm pom kev, thiab nkawd nrog Yexus mus.

-Mathais 20:30, 32b-34

6 YEXUS KHETOS YOG TUS TSIM IB PUAS TSAV YAM THIAB YOG TUS TSWV

Vajtsww tus uas kom Yexus Khetos tsim ib puas tsav yam huv tibsi.

–Efexus 3:9b

Tsis hais tej uas nyob saum nruab ntug thiab tej uas nyob hauv ntiajteb no, tej uas peb qhovmuag pom thiab tej uas peb qhovmuag tsis pom, cov timtsww ceebtsheej uas muaj hwjchim thiab tej nomtsww lossis cov vajntxwv thiab cov neeg uas muaj hwjchim kav ntiajteb, txhua yam ntawd puavleej yog Vajtsww hais kom Yexus tsim, thiab puavleej kom Yexus tau ntsejmuag.

–Kaulauxais 1:16

Txhua yam huysi yog los ntawm nws los. Txhua yam uas twb muaj los lawm, tsis muaj ib yam dabtsi uas tsis yog los ntawm nws los.

–Yauhas 1:3

Thiab txhua tus yuav lees hais tias Yexus Khetos yog tus Tswv, kom Vajtsww tus uas yog Leej Txiv thiaj tau koob meej.

–Filipis 2:11

Thaum kawg no... Vajtsww txib Vajtsww tus Tub los qhia peb. Nws yog tus uas Vajtsww pub ib puas tsav yam huv tibsi ua tus Tub ntawd tug, thiab yog tus uas Vajtsww tau tsa ua tus tsim lub ntuj thiab lub ntiajteb.

–Henplais 1:1a, 2

“Yog li ntawd cov Ixayees, nej sawvdaws yuav tsum paub hais tias tus Yexus uas nej muab ntsia rau saum ntoo khaublig, yog tus uas Vajtsww tsa ua tus Tswv thiab ua tus Khetos lawm.”

–Tes Haujlwm 2:36

Rau qhov Yexus Khetos tuag, thiab sawv hauv qhov tuag rov qab los lawm, thiab rov muaj txojsia nyob dua, nws thiaj ua cov neeg ciaj thiab cov neeg tuag tus tswv.

–Loos 14:9

Vajtsww yog tus ncaj ncees, Vajtsww thiaj hu nej los nrog nws tus Tub Yexus Khetos uas yog peb tus Tswv sib raug zoo.

–1 Kauleethaus 1:9

YEXUS YOG TUS TXIAV TXIM RAU TXHUA HAIVNEEG

7

Ua li cas nej pheej thuam nej cov kwvtij, thiab ua li cas nej pheej saib tsis taus nej cov kwvtij? Peb txhua tus yuav tau mus sawv tabmeeg ntawm tus Khetos lub rooj txiav txim.

—Loos 14:10

Kuv thiaj hais rau koj ntawm Vajtsvv thiab tus Tswv Yexus Khetos lub xubntiag, tus uas yuav los txiav txim rau cov neeg ciaj thiab cov neeg tuag. Kuv qhia li no rau koj, rau qhov Yexus yuav los thiab nws yuav kav lub qab ntuj no.

—2 Timautes 4:1

“Thaum Neeg Leej Tub los ua Vajntxwv, tagnrho cov tubtxib saumntuj yuav nrog nws los, thiab nws yuav zaum saum nws lub zwmtxwv uas ci ntsa iab. Txhua haivneeg hauv qab ntuj yuav tuaj sib sau ua ke rau ntawm nws xubntiag, thiab nws yuav muab sawvdaws cais ua ob pab, ib yam li tus tswv yug yaj muab pab yaj cais tawm ntawm pab tshis mus.”

—Mathais 25:31, 32

Leej Txiv tsis txiav txim rau leejtwg, tiamsis nws tsa Leej Tub ua tus txiav txim.

—Yauhas 5:22

Thaum txog hnub uas Vajtsvv txiav txim, Vajtsvv yuav kom Yexus Khetos muab tej uas neeg lub siab xav nraim nkoos nthuav tawm los raws li Txojmoo Zoo uas kuv twb qhia lawm. —Loos 2:16

Thiab nws kom peb mus qhia Txojmoo Zoo rau sawvdaws thiab ua timkhawv qhia hais tias nws yog tus uas Vajtsvv tsa ua tus txiav txim rau cov neeg ciaj thiab cov neeg tuag. —Tes Haujlwm 10:42



YEXUS TIBLEEG THIAJ TXHIV TAU PEB DIM

Kuv yog lub rooj nkuag. Tus uas los ntawm kuv los, tus ntawd yuav dim; nws yuav mus mus los los thiab nrhiav tau zaub noj.

—Yauhas 10:9

Yexus teb Thaumas hais tias, “Kuv yog txojkev, yog qhov tseeb thiab yog txojsia; tsis muaj leejtwg mus cuag tau Leej Txiv, tsuas yog mus ntawm kuv mus xwb thiaj tau.”

—Yauhas 14:6

“Twb yog vim li ntawd kuv thiaj qhia rau nej hais tias, nej yuav tuag hauv nej tej kev txhaum. Yog nej tsis ntseeg hais tias, ‘Kuv Yog tus uas Kuv Yog,’ nej yuav tuag hauv nej tej kev txhaum.”

—Yauhas 8:24

Thaum Vajtsvv ua rau nws ua txhua yam tsav tiav zoo kawg nkaus lawm, nws thiaj yog tus uas pub txojsia ntev dhawv mus ibtxhis rau txhua tus uas mloog nws lus.

—Henplais 5:9

Rau qhov txhua tus puavleej ua txhaum thiab tu ncua Vajtsvv lub tshwjchim lawm. Vajtsvv txojkev tshavntuj uas nws muab pub dawb rau neeg yog nws txib Yexus Khetos los tuag txhiv neeg kom lawv dim txim, Vajtsvv thiaj suav hais tias neeg ncaj ncees tabmeeg Vajtsvv.

—Loos 3:23, 24

Twb yog vim li ntawd, nws thiaj pab tau cov neeg uas nws coj los cuag Vajtsvv, tsis hais nimno lossis yav tom ntej, rau qhov nws muaj sia zees nyob mus ibtxhis sawv lawv cev thov Vajtsvv pab cov neeg ntawd.

—Henplais 7:25

“Tsis muaj leejtwg cawm tau peb lub txim, tsuas yog Yexus tib leeg xwb thiaj cawm tau; tsis muaj dua lwm tus uas Vajtsvv tso los cawm peb neeg ntajteb kom peb dim peb lub txim.”

—Tes Haujlwm 4:12

Tiamsis Vajtsvv coj nej los nrog Yexus Khetos koom ib txojsia, Yexus Khetos yog lub tswvyim thiab txojkev ncajes uas Vajtsvv pub rau peb, peb thiaj tau los ua Vajtsvv haivneeg uas dawbhuv kom peb dim peb lub txim.

-1 Kauleethaus 1:30

Yexus Khetos tau muab nws txojsia los txhiv peb kom peb dim txhua Yam kev phem, thiab pab peb txhua tus uas nws tau xaiv cia lawm kom peb ua tau neeg zoo kawg nkaus, thiab kom peb muaj lub siab kub lug ua txhua Yam haujwm zoo.

-Titus 2:14

Thiab nej yuav zoo siab hlo ua Leej Txiv tsaug. Leej Txiv yog tus uas coj nej los yuav nws tzoj koob hmoov uas nws npaj cia rau nws haivneeg uas taug txojkev kaj. Vajtsvv twb pab peb cov uas dab Ntxwgnyoog muab kaw rau hauv qhov tsaus ntuj dim lawm; thiab Vajtsvv coj peb los nyob hauv qhov pom kev uas Vajtsvv tus Tub kav. Tus Tub ntawd yog tus uas Vajtsvv hlub thiab yog tus uas muab nws cov ntshav tso peb dim thiab zam peb lub txim.

-Kaulauxais 1:12-14

Neeg Leej Tub yeej los nrhiav cov neeg uas yuam kev lawm, thiab cawm kom lawv dim.

-Lukas 19:10

Lawv hu ib zaj nkauj tshiab hais tias, "Koj yog tus uas tsimnyog muab thooj ntawd thiab muab tej hom-thawj tev. Rau qhov twb muaj neeg muab koj tua lawm. Qhov uas koj los ntshav tuag ntawd twb yog koj txhiv neeg coj los rau Vajtsvv. Cov neeg uas koj txhiv ntawd tsis hais xeem twg lossis cov uas hais yam lus twg lossis haivneeg twg lossis nyob lub tebchaws twg puavleej yog koj txhiv los huv tibsi."

-Tshwmsim 5:9

Dhau li ntawd, peb cov uas tau kev ncaj ncees uas los ntawm nws cov ntshav, peb yeej yuav dim ntawm Vajtsvv li kev chim, kev dim no kuj yog los ntawm tus Tswv Yexus.

—Loos 5:9

Yexus Khetos los ntshav tuag txhiv peb, Vajtsvv thiaj zam peb lub txim, yog raws li nws tshavntuj uas nplua-mias.

—Efexus 1:7

Khob no yog kuv cov ntshav uas ua lub cim nias rau Vajtsvv tej lug cog tseg tshiab. Kuv cov ntshav no ntws los zam ntau leej lub txim.

—Mathais 26:28

Rau qhov nej yeej paub lawm hais tias Vajtsvv twb txhiv nej dim ntawm txoj qub kevcai uas nej cov yawgkoob qhia rau nej lawm. Yam uas Vajtsvv muab txhiv nej yam ntawd tsis poob nqi li tej nyiaj tej kub, yam ntawd yog Yexus Khetos cov ntshav uas muaj nqis heev, nws zoo li tus menuyam yaj uas tsis muaj ib qho phem lossis dub doog li.

—1 Peter 1:18, 19

Tiamsis yog peb taug kev hauv qhov pom kev ib yam li Vajtsvv tus uas nyob hauv qhov pom kev, peb ib leeg yeej nrog ib leeg sib raug zoo thiab Vajtsvv tus Tub Yexus Khetos cov ntshav ntxuav peb tej kev txhaum huv tibsi mus.

—1 Yauhas 1:7

Yog li ntawd, Yexus Khetos cov ntshav hajyam muaj nqis heev dua tej ntawd thiab. Vajtsvv tus uas muaj sia nyob mus ibtxhis, nws tus Ntsujplig kom Yexus muab Yexus lub cev uas zoo kawg nkaus pub rau Vajtsvv theej neeg lub txhoj. Nws cov ntshav ntxuav peb lub siab kom peb dim tej kev txhaum uas peb tau ua los lawm, peb thiaj yuav ua tau Vajtsvv tus uas muaj txojsia nyob tes haujlwm.

—Henplais 9:14

Vajtsvv tus uas muab tshavntuj rau nej, nws cawm nej dim twb yog vim nej ntseeg. Qhov uas nej dim ntawd, tsis yog vim nej ua haujlwm, tiamsis yog Vajtsvv cia li pub dawb rau nej xwb. Qhov uas nej dim tsis yog nej lub dag lub zog ua mas nej thiaj tsis muaj lus khav tau. –Efesus 2:8, 9

Yog li ntawd, vim peb ntseeg, Vajtsvv thiaj suav hais tias peb yog neeg ncaj ncees, peb tau nrog Vajtsvv sib haum-xeeb, uas los ntawm peb tus Tswv Yexus Khetos. –Loos 5:1

Rau qhov peb cov uas twb nrog Yexus Khetos koom ib txojsia lawm, peb tsis suav hais tias, qhov uas ua kevcai txiav yog qhov uas tseemceeb, tiamsis peb suav hais tias qhov tseemceeb yog qhov uas tus ntseeg muaj lub siab hlub lwm tus.

–Kalatias 5:6

“Koj thiab koj tsevneeg cia li ntseeg tus Tswv Yexus Khetos, nej thiaj yuav dim lub txim.” –Tes Haujlwm 16:31b

Rau qhov Vajtsvv cov menuam txhua tus puavleej koy-yejj lub ntiajteb lawm. Thiab qhov uas peb koyyejj lub ntiajteb twb yog vim peb ntseeg Yexus Khetos. –1 Yauhas 5:4

Lawv nug Yexus hais tias, “Peb yuav ua li cas thiaj ua tau raws li Vajtsvv xav kom peb ua?” Yexus teb hais tias, “Qhov uas Vajtsvv xav kom nej ua yog nws xav kom nej ntseeg tus uas nws txib los.”

–Yauas 6:28, 29

Tej uas sau rau hauv phau ntawv no yog sau los qhia kom nej ntseeg hais tias Yexus yog tus Khetos uas yog Vajtsvv tus Tub; txhua tus uas ntseeg Yexus yuav tau txojsia ntawm nws lub npe.

–Yauhas 20:31

12 VAJTSWV YOG TUS MUAJ KEV HLUB

Peb cia li ua Vajtsvw tus uas yog peb tus Tswv Yexus Khetos Leej Txiv tsaug. Nws yog Leej Txiv uas hlub peb kawg. Nws yog Vajtsvw uas nplij peb lub siab txhua yam.

–2 Kauleethaus 1:3

Tsis muaj lwm tus Vajtsvw zoo li koj. Koj zam txim rau koj haivneeg uas dim siab rov los, koj yeej tsis chim mus ibtxhis, tiamsis koj zoo siab hlo hlub peb tsis tseg.

–Mikhas 7:18

Koj txojkev hlub uas tsis paub kawg siab mus nto ntuj; thiab koj toxjkev tseeb siab nto plaws ntuj ntsuab.

–Nkawv Nkauj 108:4

Tus TSWV txojkev hlub uas ruaj khov thiab nws txojkev hlub tshua yeej muaj tsis paub kawg peb thiaj tsis puatsuaj. Txojkev hlub ntawd muaj txhua hnub, ib yam li lub hnub niaj tagkis tawm tuaj. –Nkauj Quaj Ntsuag 3:22, 23

Lub ntuj nyob siab ntawm lub ntiajteb npaum li cas, tus TSWV hlub cov uas hwm nws heev npaum li ntawd. Tiamsis tus TSWV hlub cov neeg uas hwm nws mus ibtxhis, thiab nws muaj lub siab dawb siab zoo rau txhua tiام neeg.

–Ntawv Nkauj 103:11, 17

Vajtsvw cawm peb dim txim lawm, tsis yog vim peb ua tej haujlwm zoo, tiamsis raws li Vajtsvw li kev hlub rau qhov tus Ntsujplig Dawbhuv ntxuav peb lub siab thiab tsim peb dua tshiab.

–Titus 3:5

Tus TSWV hais tias, “Peb cia li los sib hais txog zaj no. Txawm yog nej tej kev txhaum yuav liab cuag ntshav los kuv yuav ua kom dawb paug li daus, txawm yog nej tej kev txhaum dub doog los kuv yuav ua kom dawb paug li tej plaub yaj.”

—Yaxayas 1:18

Vaj Ntsujplig thiab tus Nkauj Nyab hais tias, “Cia li los ntawm no!” Txhua tus uas hnov lo lus ntawd yuav tsum teb hais tias, “Cia li los ntawm no!” Tus uas nqhis dej cia li los ntawm no; tus uas xav haus cia li los txais cov dej cawm txojsia mus haus. Cov dej no yog pub dawb dawb xwb tsis yuav nqi.

—Tshwmsim 22:17

Tus TSWV hais tias, “Leejtwg nqhis dej, cia li los haus, muaj dej nyob ntawm no! Leejtwg tsis muaj nyiaj, cia li los yuav dawb thiab noj! Cia li los yuav cawv txiv hmab thiab mis nyuj, tsis tas them nyiaj li.”

—Yaxayas 55:1

Hnub ua kevcai xaus yog hnub tseemceeb kawg nkaus, Yexus sawv ntsug hais nrov nrov rau sawvdaws hais tias, “Tus uas nqhis dej cia li los cuag kuv, kuv yuav muab dej rau nws haus.”

—Yauhas 7:37

Thaum Yexus pom cov thwjtim ua li ntawd, Yexus tsis txaus siab thiab nws hais rau cov thwjtim hais tias, “Cia cov menuam yaus los cuag kuv, tsis txhab txwv lawv, rau qhov Vajtswv lub Tebchaws yog cov neeg uas muaj lub siab mos siab muag li cov menuam yaus ntawd.”

—Malakaus 10:14

14 TXHUA HAIVNEEG PUAVLEEJ TSIS YOG VAJTSWV MENYUAM

Tus uas yog Vajtswv menuam thiab tus uas yog dab Ntxwgnyoog menuam sib txaww li no: Tus uas ua tsis ncajes lossis tsis hlub nws kwv nws tij, tus ntawd tsis yog Vajtswv menuam.

-1 Yauhas 3:10

Tus uas ua raws li Vajtswv tus Ntsujplig qhia, tus ntawd thiaj yog Vajtswv tus menuam. Rau qhov nej tsis tau tus ntsujplig uas coj nej mus ua qhev kom nej txhawj nej ntshai, tiamsis nej tau Vaj Ntsujplig tus uas coj nej los ua Vajtswv cov menuam, kom nej muaj cuabkav hu Vajtswv hais tias, “Anpas! Kuv Txiv!”

-Loos 8:14, 15

Nej thiaj yuav ua tau neeg zoo uas tsis muaj leejtwg yuav thuam tau, thiab ua tau Vajtswv cov menuam uas zoo kawg nkaus uas nrog cov neeg tsis ncaj thiab muaj txim nyob ua ke hauv ntiajteb no. Thaum nej qhia Vajtswv txojlus uas cawm neeg txojsia, nej yuav ci rau lawv ib yam li cov hnubqub ci saum nruabntug.

-Filipis 2:15

Yog li ntawd tus Tswv thiaj hais tias, “Nej cia li tso plhuav lawv cov ntawd tseg mus nyob rau ibcag, thiab nej tsis txhob kov tej uas qias kuv thiaj yuav yuav nej. Kuv yuav ua nej txiv, nej yuav ua kuv cov tub cov ntxhais. Tus Tswv uas muaj hwjchim loj kawg nkaus yog tus uas hais li no.”

-2 Kauleethaus 6:17, 18

Txawm yog li ntawd los cov neeg uas lees yuav nws thiab cia siab rau nws, nws pub lawv muaj cai los ua Vajtswv cov menuam.

-Yauhas 1:12

Sawvdaws yeej paub tej uas neeg lub siab nyiam ua, tej ntawd yog li no: Kev deev luag poj luag txiv, kev ua nkauj ua nraug, kev phem kev qias thiab kev plees kev yi, pe dab pe mlom, ua neeb ua yaig, ua yeebncuab, sib ceg sib ntaus, sib khib, sib chim, xav ua tus hlob, sib faib ua pab ua pawg, ntshaw luag tug, tua neeg, quag dej qaung cawv, qw ua nqaj ua nqug thiab ua ntau yam uas zoo li tej no. Yav tas los kuv twb ntuas nej ib zaug lawm, tiamsis nimno kuv rov ntuas nej dua ib zaug hais tias cov neeg uas ua tej ntawd, lawv yeej yuav tsis tau Vajtsww lub Tebchaws los us lawv tug ib zaug li.

-Kalatias 5:19-21

Peb yuav tsum ua peb lub neej kom tsimnyog qhov uas peb yog neeg nruab hnub, tsis txhob qw ua nqaj ua nqug thiab haus cawv qaung, tsis txhob ua nkauj ua nraug thiab ua neeg tsis paub cai, tsis txhob sib cav sib ceg thiab sib khib. Tiamsis peb yuav tsum hnav tus Tswv Yexus Khetos, thiab tsis txhob npaj rau sab nqaijtawv uas ua kom txaus rau sab nqaijtawv xwb.

-Loos 13:13, 14

Nej yuav puastsuaj lauj! Nej sawv thaum tsis tau kaj ntug los pib haus cawv thiab nyob tsheej tag hmo haus cawv kom nej qaung.

-Yaxayas 5:11

Tsis txhob pub cawv ntxias tau koj, txawm yog cawv yuav liab ntshiaj si, pom duab nyob zoj hauv lub khob thiab yoojyim nqos los xij. Yog koj haus, thaum kaj ntug koj yuav hnov mob taug leeg cuag li nab muaj taug tom.

-Pajlug 23:31, 32

Haus cawv ntau ua rau koj vwm thiab qw lom vab vab. Tsuas yog tus neeg ruam thiaj quav cawv xwb. **-Pajlug 20:1**

**16 XAV UA SIAB NCAJ LOS YEEJ
TSIS TAU TXAUS**

Yexus teb hais tias, “ ‘Hlub tus Tswv uas yog nej tus Vajtswv kom kawg siab kawg ntsws, kawg plab kawg plawv thiab kawg nej lub dag lub zog.’ Nqe no thiaj yog nqe uas tseemceeb dua ntais.”

—Mathais 22:37, 38

Thaum Yexus tabtom sawv kev mus, muaj ib tug txivneej khiav khiav tuaj txhos caug ntua ntawm Yexus hauv ntej; nws nug Yexus hais tias, “Tus Xibhwb uas muaj lub siab zoo, kuv yuav ua li cas kuv thiaj tau txojsia uas ntev dhawv mus ibtxhis?” Yexus teb nws hais tias, “Vim li cas koj hu kuv hais tias tus uas muaj lub siab zoo? Tsis muaj ib tug uas muaj lub siab zoo tsuas yog Vajtswv tib leeg xwb. Koj yeej paub tej kevcai uas hais tias, ‘Tsis txhob tua neeg; tsis txhob deev luag pojniam luag txiv; tsis txhob ua tubsab; tsis txhob ua timkhawv tsis tseeb; tsis txhob ntxo luag tug; yuav tsum hwm koj niam koj txiv.’ ” Tus txivneej ntawd hais tias, “Xibhwb, tej uas koj hais ko kuv twb coj thaum kuv tseem yau los lawm.” Yexus hlub tus ntawd, Yexus tsa qhovmuag saib nws thiab hais tias, “Tseem tshuav ib qho uas koj tsis tau ua. Koj cia li rov mus muab koj tej qhov txhia chaw muag huv tibsi thiab muab cov nyiaj ntawd coj mus faib rau cov neeg pluag, koj thiaj yog tus npluanuj nyob saum ntuj ceebtsheej; tom qab ntawd, koj cia li tuaj nkaus tus ntoo khaublig nrog kuv mus.” Thaum tus txivneej ntawd hnov dheev Yexus hais li ntawd, nws ua ntsejmuag ntshaus ntsho; nws txawm rov mus tsev lawm, nws nyuaj siab kawg li rau qhov nws npluanuj heev.

—Malakaus 10:17-22

Muaj ib t xo jkev uas neeg xav hais tias yog t xo jzoo, tiam-sis t xo jntawd coj mus raug kev ploj kev taug. —Pajlug 16:25

Nej tsis txhob xav yuam kev, yeej tsis muaj ib tug yuav dag tau Vajtsvv, txhua tus nyias yuav tau sau raws li tej uas nyias tseb.

-Kalatias 6:7

Kuv cov menuam, nej tsis txhob pub leejtwg dag ntxias tau nej! Tus uas ua zoo, tus ntawd yog tus uas ncaj ncees ib yam li Yexus Khetos yog tus ncaj ncees. Tus uas ua txhaum, tus ntawd yog dab Ntxwgnyoog menuam, rau qhov dab Ntxwgnyoog yog tus uas ua txhaum puag thaum chivkeeb los lawm.

-1 Yauhas 3:7, 8a

Nej tsis paub hais tias, cov neeg uas ua phem ua qias yuav tsis muaj feem mus nyob Vajtsvv lub Tebchaws no los? Nej tsis txhob rov dag nej; cov neeg uas nyiam ua kev nkauj kev nraug, pe mlom, deev luag pojniam luag txiv, txivneej deev txivneej, pojniam deev pojniam, ua tubsab, ntshaw luag tug, quav cawv, thuam lwm tus thiab txhav luag tug. Cov neeg ntawd yuav tsis muaj feem mus nyob Vajtsvv lub Tebchaws li.

-1 Kauleethaus 6:9, 10

Tsis txhob pub cov neeg uas hais tej lus tsis muaj hauvpaus hauvntsits ntxias tau nej. Twb yog vim muaj tej kev phem kev qias uas sawvdaws ua, Vajtsvv thiaj yuav rau txim rau cov neeg uas tsis mloog Vajtsvv lus. **-Efexus 5:6**

Nej yuav tsum xyaum ua raws li Vajtsvv Txojlus, tsis yog ua cov mloog xwb. Yog nej mloog xwb, tsis ua raws li, ces kuj yog nej rov dag nej.

-Yakaunpaus 1:22

Tus uas tsis yog neeg tseemceeb, yog nws lam khav hais tias nws yog tus uas tseemceeb, nws yeej rov dag nws xwb.

-Kalatias 6:3

“Yuav muaj ntau leej tuav kuv lub npe dag ntxias nej hais tias, ‘Kuv yog tus Khetos!’ thiab lawv yuav dag ntxias ntau leej yuam kev.”

-Mathais 24:5

18 KEV TXHAUM YOG KEV TUAG

Twb yog vim ib tug xub ua txhaum, neeg ntajteb txhua
tus thiaj ua txhaum. Vim tus ntawd ua txhaum, tus ntawd
thiaj tuag. Yog li ntawd, txhua haiyneeg uas nyob hauv
ntajteb no thiaj txawj tuag, rau qhov txhua tus puavleej tau
ua txhaum lawm. –Loos 5:12

Thaum nws lub siab xeeb tjojkev xav phem lawm, ces nws
yuav mus ua txhaum, thiab thaum nws ua txhaum lawm,
nws yuav raug kev ploj kev tuag. –Yakaunpaus 1:15

Tus uas ua raws li nws lub siab qub qhia, tus ntawd yuav
raug kev ploj kev tuag, tiamsis tus uas ua raws li Vaj
Ntsujplig qhia, tus ntawd yuav tau tjojsia thiab kev kaj
siab. Tus uas ua raws li nws lub siab qub qhia, tus ntawd ua
yeebncuab rau Vajtswv; rau qhov nws tsis ua raws li
Vajtswv tjoj Kevcai, thiab qhov tseeb nws yeej coj tsis tau
raws li tjoj kevcai ntawd. –Loos 8:6, 7

Tsuas yog tus uas ua txhaum thiaj yuav raug tuag xwb.
Tus tub yuav tsis raug txim vim leej txiv tej kev txhaum.
Thiab leej txiv yuav tsis raug txim vim tus tub tej kev
txhaum. Tus neeg ncaj ncees yuav tau nqi zog vim nws ua
ncaj, thiab tus neeg ua tsis ncaj yuav raug txomnyem vim
tej kev phem kev qias uas nws ua. –Ezekees 18:20

“ ‘Yeej tsimnyog peb ua ib rooj mov noj thiab zoo siab,
rau qhov koj tus kwv twb tuag lawm, tiamsis nimno nws
craj rov los, nws twb ploj lawm, tiamsis nimno nws rov los
lawm.’ ” –Lukas 15:32

Tus uas ua lub neej nyob nruaj nrees rau tjojkev ncaj
ncees yuav muaj tjojsia nyob, tiamsis tus uas pheej nrhiav
nrhw tjojkev phem ua yuav tuag mus. –Pajlug 11:19

Rau qhov nqi zog ntawm tjojkev txhaum yog kev tuag.
–Loos 6:23a

Thiab raws li Vaj Ntsujplig tus Dawbhuv qhia hais tias Yexus yog Vajtsvv tus Tub uas muaj hwjchim loj, rau qhov Vajtsvv twb tsa nws sawv hauv qhov tuag rov qab los lawm.

-Loos 1:4

Thaum Yexus hais li ntawd tas, nws txawm hu nrov nrov hais tias, “Laxalus, koj cia li tawm los!” Laxalus txawm tawm los, tej ntaub tseem qhwv nws tes taw thiab muaj ib daim ntaub npog nws lub ntsejmuag. Yexus hais rau lawv hais tias, “Nej cia li daws tej ntaub uas qhwv nws ntawd thiab cia nws mus.”

-Yauhas 11:43, 44

“Leej Txiv hhub kuv rau qhov kuv txaus siab tso kuv txojsia tseg; kuv ua li ntawd kuv thiaj tau kuv txojsia ntawd rov qab los. Tsis muaj leejtwg yuav txeeb tau kuv txojsia. Kuv txaus siab tso kuv txojsia tseg. Kuv muaj cai tso kuv txojsia tseg, thiab kuv muaj cai muab kuv txojsia rov qab los. Kuv Txiv kom kuv los ua li no.”

-Yauhas 10:17, 18

Yexus txawm txav zog mus tuav nkaus lub hleb, ces cov neeg uas kwv lub hleb txawm nres, Yexus hais tias, “Tus hluas! Kuv hais rau koj tias, koj cia li sawv tsees!” Tus tuag ntawd txawm sawv tsees zaum nrog lawv tham.

-Lukas 7:14, 15a

Kuv yog tus uas muaj sia nyob! Kuv twb tuag lawm, tiam-sis koj saib, nimno kuv muaj sia nyob mus ibtxhis li. Kuv yog tus uas kav txojkev tuag thiab Tubtuag teb.

-Tshwmsim 1:18

Txojkev tuag yog tus yeebncuab uas thaum kawg Vajtsvv yuav muab rhoav kom puastsuaj mus.

-1 Kauleethaus 15:26

“[Tus TSWV hais tias,] ‘Tsis txhob pe lwm tus timtsvw, tiamsis pe kuv tib leeg xwb.

“ ‘Tsis txhob puab tej mlom ua zoo li tej uas nyob saum nruab ntug lossis tej uas nyob hauv ntiajteb no lossis hauv tivtxwv rau nej pe. Tsis txhob pe ib tug mlom twg li, rau qhov kuv yog tus TSWV uas yog nej tus Vajtsvw, kuv khib nej heev....

“ ‘Tsis txhob muab kuv lub npe mus hais ua dog ua dig, rau qhov kuv yog tus TSWV uas yog nej tus Vajtsvw, kuv yuav rau txim rau cov neeg uas muab kuv lub npe mus hais ua dog ua dig.

“ ‘Nco ntsoov Hnub So ua hnub tseemceeb raws li tus TSWV uas yog nej tus Vajtsvw hais rau nej lawm. Nej ua nej tej haujlwm rau hnub, tiamsis hnub xya yog hnub so thiab pehawm Vajtsvw

“ ‘Yuav tsum hwm nej niam nej txiv, raws li tus TSWV uas yog nej tus Vajtsvw hais rau nej lawm

“ ‘Tsis txhob tua neeg.

“ ‘Tsis txhob deev luag poj luag txiv.

“ ‘Tsis txhob ua tubsab.

“ ‘Tsis txhob ua timkhawv tsis tseeb ntxo kwvtij zej zog.

“ ‘Tsis txhob ntshaw luag pojniam; tsis txhob ntshaw luag tej vajtse, luag tej liaj teb, luag tej tubqhe, luag tej nyuj, luag tej neesluav lossis tej uas yog luag tug.’”

Vajtswv saib ntsoov txhua tus neeg tshais ruam mus kev. Tsis muaj ib qhov tsaus ntuj uas thaiv tau kom Vajtswv tsis pom tus neeg txhaum li. –Yauj 34:21, 22

Tus TSWV hais tias, “Tsis muaj leejtwg yuav khiav nkaum rau ib qho twg uas kuv tsis pom li. Nej puas paub hais tias kuv nyob tau txhua qhov, tsis hais saum ntuj lossis hauv ntiajteb no?” –Yelemis 23:24



Kuv yuav khiav mus nkaum qhov twg thiaj khiav dim koj Tus Ntsujplig? Kuv yuav khiav mus nkaum qhov twg, koj thiaj tsis pom kuv? Txawm yog kuv nce mus txog saum ntuj ceebtsheej los koj yeej nyob saud, yog kuv nqis mus rau hauv Tubtuag teb los koj yeej nyob hauv thiab. Qhov tsaus ntuj twb tsis tsaus rau koj li; hmo ntuj los koj yeej pom kev kaj nrig ib yam li nruab hnub, koj saib qhov tsaus kaj nrig ib yam li qhov kaj.

–Phau Ntawv Nkauj 139:7, 8 thiab 12

Tus TSWV pom txhua yam xwm txheej uas muaj nyob txhua qhov, nws saib ntsoov peb, thaum peb ua zoo lossis thaum peb ua phem. –Pajlug 15:3

Tsis muaj ib yam dabtsi uas neeg yuav muab ntis tau tsis pub Vajtswv pom. Ib puas tasv yam uas Vajtswv tsim los lawm Vajtswv yeej pom huv tibsi, thiab peb txhua tus nyias yuav tsum piav nyias lub neej qhia rau Vajtswv.

–Henplais 4:13

“Tej uas muab zais cia lawm, yeej yuav muaj neeg pom; thiab tej uas muab npog cia lawm, yeej yuav muaj tus muab nthuav los qhia rau sawvdaws.” –Lukas 8:17

“Neeg Leej Tub yuav txib nws cov tubtxib saumntuj mus sau cov neeg uas ua rau lwm tus ua txhaum thiab cov neeg ua phem ua qias huv tibsi tawm hauv nws lub tebchaws thiab coj cov neeg ntawd mus pov rau hauv lub cubtawg uas cig hlob hlob, lawv yuav quaj tom hniav qawv.”

—Mathais 13:41, 42

Cov neeg siab phem yuav nkag tagnrho mus rau hauv tubtuag teb, cov ntawd yog cov uas tsis lees txais yuav Vajtsvw.

—Phau Ntawv Nkauj 9:17

Tiamsis Vajtsvw ceev lub ntajteb thiab lub ntuj uas niaj hnub nimno muaj nyob rau hluavtaws hlawv raws li Vajtsvw tau hais tseg lawm. Vajtsvw yuav ceev cia mus txog hnub uas cov neeg ua phem raug txiav txim thiab raug puastsuaj.

—2 Petus 3:7

Cov neeg ntawd yuav raug txim mus ibtxhis, lawv yuav tsis tau nrog tus Tswv nyob. Lawv yuav tsis pom nws tus tshwjchim uas ci ntsa iab.

—2 Thexalaunikes 1:9

Yog koj txhais tes lossis koj txhais kotaw ua rau koj yuam kev ua txhaum, koj cla li muab txhais ntawd txiav povtseg. Yog koj tu ib sab tes lossis ib sab taw koj tau txojsia, zoo dua li qhov uas koj muaj tes muaj taw txhij zoo ais koj poob rau hauv lub cubtawg ua cig tsis pub tuag mus ib txhis li.

—Mathais 18:8

“Cov neeg ntawd yuav raug txim mus ibtxhis li, tiamsis cov neeg ncaj ncees yuav tau txojsia ntev mus ibtxhis.”

—Mathais 25:46



“Rau qhov Vajtsvv twb teem ib hnub cia lawm, hnub ntawd Vajtsvv yuav txiav txim rau txhua haivneeg hauv qab ntuj no. Tus uas Vajtsvv tsa los ua tus txiav txim, nws yuav txiav txim ncaj ncees. Thiab qhov uas Vajtsvv tsa tus ntawd sawv hauv qhov tuag rov qab los, qhov ntawd qhia rau sawvdaws paub hais tias, tus ntawd yog tus uas Vajtsvv tsa tiag.”

—Tes Haujlwm 17:31

Yog li ntawd, Vajtsvv ua li cas thiaj pab tau cov neeg uas Vajtsvv kav lawm kom lawv dim lawv tej kev sim siab; thiab Vajtsvv muab tau cov neeg uas ua txhaum kaw cia mus txog hnub uas Vajtsvv txiav txim rau lawv.

—2 Petus 2:9

Rau qhov peb txhua tus yuav tsum mus sawv ntawm Yexus Khetos lub rooj txiav txim. Nws yuav taug pab zaj thiab muab nqi zog rau txhua tus raws li tej haujlwm uas sawvdaws tau ua los lawm, thaum sawvdaws tseem ua neej nyob no, tsis hais ua zoo lossis ua phen. —2 Kauleethaus 5:10

Txhua tus neeg puavleej yuav tuag ib zaug thiab tom qab ntawd Vajtsvv yuav txiav txim rau lawv. —Henplais 9:27

Thiab kuv pom cov neeg uas tuag lawm, tsis hais tus hlob tus yau, sawvdaws puavleej sawv ntawm Vajtsvv lub xub-ntiag hauv ntej. Luag muab tej phau ntawv los nthuav, thiab muab ib phau ntawv los nthuav saib, phau ntawd hu ua Phau ntawv Txojsia. Luag txiav txim rau cov neeg uas tuag lawm raws li lawv tes haujlwm.

—Tshwmsim 20:12

Peb txhua tus nyias yuav tau qhia nyias zaj rau Vajtsvv.
—Loos 14:12

24 YEXUS KHETOS TXOJKEV TSHAVNTUJ



Tiamsis Yam txiaj ntsig uas Vajtsww pub dawb dawb los, zoo tsis thooj li tej kev txhaum ntawd. Vim yog ib tug ua txhaum thiaj ua kom ntau leej tuag; ntau dhau ntawd, Vajtsww li tshavntuj thiab txiaj ntsig uas los ntawm tshavntuj ntawd ib tug tibneeg Yexus Khetos, kuj hajyam muaj nplua-mias rau ntau leej thiab.

—Loos 5:15

Qhov uas Vajtsww ua li ntawd, tsis yog raws li neeg xav yuav lossis vim qhov uas neeg rau siab ua, tiamsis raws li Vajtsww uas hlub xwb.

—Loos 9:16

“Vajtsww tawmtsam tus uas khavtheeb, tiamsis Vajtsww pub tshavntuj rau tus uas txo hwjchim.” —1 Petus 5:5b

Rau qhov nej yeej paub hais tias peb tus Tswv Yesus Khetos li tshavntuj zoo li cas. Txawm yog nws tus uas npluanuj los nws zoo siab los ua tus uas npluag. Nws ua li ntawd twb yog nws xav pab nej kom nej ua tau neeg npluanuj.

—2 Kauleethaus 8:9

Tiamsis qhov twg muaj kev txhaum, Vajtsww li tshavntuj hajyam muaj nyob qhov ntawd. Yog li ntawd, txojkev txhaum ua rau muaj kev ploj kev tuag li cas, Vajtsww txojkev hlub ua rau muaj txojkev ncajes, thiab tau txojsia ntev ibtxhis los ntawm Yesus Khetos uas yog peb tus Tswv ib yam li ntawd.

—Loos 5:20b, 21

Vajtsww pub hwjchim rau cov timthawj, lawv thiaj muaj lub siab tawv ua timkhawv hais txog zaj uas Tswv Yesus sawv hauv qhov tuag rov qab los, thiab Vajtsww foom tshavntuj loj rau lawv txhua tus.

—Tes Haujlwm 4:33

Thaum neeg tseem tsis tau paub Vajtsvv, Vajtsvv tsis suav neeg lub txim. Tiamsis nimno Vajtsvv twb qhia rau txhua haivneeg uas nyob thoob plaws hauv lub qab ntuj no hais tias, lawv yuav tsum hloov dua siab tshiab.

—Tes Haujlwm 17:30

Tsis yog li ntawd! Kuv qhia rau nej hais tias, yog nej tsis hloov dua siab tshiab, nej yuav raug kev puastsuaj huysi mus ib Yam li lawv cov ntawd thiab. —Lukas 13:3

Yauhas hais tias, “Nej cia li hloov dua siab tshiab rau qhov Tebchaws Saumntuj twb los ze lawm!” —Mathais 3:2

Petus teb lawv hais tias, “Nej txhua tus nyias yuav tsum hloov dua siab tshiab thiab ua kevcai raus dej ntawm Yexus Khetos lub npe, Vajtsvv thiaj yuav zam txim rau nej thiab nej thiaj yuav tau Vaj Ntsujplig tus Dawbhuv. Yog li ntawd, nej yuav tsum tig hlo los hloov dua siab tshiab thiab ntxuav nej tej kev txhaum tawm mus kom muaj lub sijhawm uas kaj siab lug yuav los ntawm tus Tswv lub xubntiag los.”

—Tes Haujlwm 2:38; 3:19

“Nej cia li tso plhuav ib puas tsav yam kev phem kev qias uas nej ua tseg, muab lub siab tshiab thiab txojkev xav tshiab los coj.” —Ezekees 18:31a

Yog yus pheej npog tej kev txhaum tseg yus lub neej yuav tsis vammeej. Yog yus lees hlo thiab tso plhuav yus tej kev txhaum tseg Vajtsvv yuav hlub yus. —Pajlug 28:13

Rau qhov qhov uas Vajtsvv cia nej tu siab, qhov ntawd ua rau nej hloov dua siab tshiab kom nej tau txojkev cawm dim. Yog li ntawd tsis tas leejtwg yuav tu siab. Tiamsis cov neeg uas tsis ntseeg Vajtsvv txawm yog lawv paub tu siab rau lawv tej kev txhaum los yog lawv tsis tso tseg, lawv yeej yuav raug kev ploj kev tuag. —2 Kauleethaus 7:10

“Tus neeg uas tso nws tej kev txhaum tseg thiab ua raws li kuv tej Kevcai, nws xyaum coj ncaj thiab ua zoo, nws yuav tsis tuag; tiamsis nws yuav muaj sia nyob.” –Ezekees 18:21

Cia cov neeg siab phem tso lawv txojkev phem tseg, thiab cia cov neeg tsis ncaj tso lawv txojkev xav phem tseg. Cia lawv tig los cuag tus TSWV, Vajtsvw thiaj yuav hlub lawv; los cuag peb tus Vajtsvw, nws thiaj yuav zam lawv lub txim.

–Yaxayas 55:7

“Yog nej zam txim rau lawv uas ua txhaum rau nej lawm, nej Leej Txiv tus uas nyob saum ntuj ceebtsheej thiaj yuav zam txim rau nej.”

–Mathais 6:14

Thaum Yexus pom hais tias lawv muaj kev ntseeg, Yexus txawm hais rau tus txivneej uas tuag tes tuag taw ntawd hais tias, “Metub, koj lub txim twb zam lawm.”

–Malakaus 2:5

Vim yog tus Yexus no, kuv thiaj tshaj tawm txojkev zam txim rau nej. Thiab Vajtsvw tsa nws nce mus nyob ntawm Vajtsvw sab xis; Vajtsvw tsa nws ua tus Thawj coj thiab ua tus Cawmseej. Vajtsvw ua li ntawd kom cov Ixayees hloov dua siab tshiab, Vajtsvw thiaj yuav zam txim rau lawv.”

–Tes Haujlwm 13:38b; 5:31

Nej sim mloog saib, kuv sawv sab qhovrooj nraud thiab khob; yog leejtwg hnov kuv lub suab thiab qhib qhovrooj rau kuv, kuv yuav los hauv tus ntawd lub tsev. Kuv yuav nrog nws noj mov thiab nws yuav nrog kuv noj mov.

–Tshwmsim 3:20

“Nej yuav tsum tuav nws lub npe mus qhia txojmoo zoo rau txhua haivneeg hauv qab ntuj no hais tias, Vajtsvw yuav zam txim rau tus uas hloov dua siab tshiab. Nej cia li pib qhia hauv lub nroog Yeluxalees.”

–Lukas 24:47

Rau qhov Vajtsvv li tshavntuj uas coj kev dim txim twb los, tshavntuj ntawd tau tshwm los rau txhua leej thiab qhia peb hais tias, peb yuav tsum tsis coj lub neej raws li cov tsis ntseeg thiab raws li ntiajteb tej kev ntshaw, tiamsis peb yuav tsum tswj peb lub siab, ua tau neeg nca, ncees thiab ua peb lub neej kom Vajtsvv tau ntsej muag hauv tiam neeg no.

—Titus 2:11, 12

Nej yuav tsum muab siab npuab tej uas nyob rau saud, tsis yog muab siab npuab tej uas nyob hauv ntiajteb no.

—Kaulauxais 3:2

Cov neeg uas nyob hauv qhov tsaus ntuj nyiam ua tej kev phem kev qias, nej tsis txhob mus nrog lawv ua, rau qhov tej ntawd yeej tsis muaj nqis. Nej yuav tsum muab tej ntawd los nthuav rau qhov pom kev.

—Efexus 5:11

Nej tsis txhob muab siab npuab ntiajteb lossis cia siab rau ib yam dabtsi uas nyob hauv lub ntiajteb. Yog nej muab siab npuab ntiajteb lawm, nej yeej yuav tsis hlub Leej Txiv tus uas hlub nej. Txhua yam uas yog ntiajteb li, tsis hais tej uas neeg lub siab ntshaw, tej uas neeg lub qhovmuag pom thiab xav yuav, thiab txhua yam hauv ntiajteb uas neeg qhuas hais tias yog yam uas tseemceeb, tej ntawd puavleej yog ntiajteb li xwb; tsis muaj ib yam uas yog Leej Txiv li.

—1 Yauhas 2:15, 16

Nej cov uas deev luag poj luag txiv, nej tsis paub hais tias cov uas ua li neeg ntiajteb ua, yog lawv ua yeebncuab rau Vajtsvv. Yog li ntawd, tus uas ua li neeg ntiajteb ua, yog nws txhob txwm ua yeebncuab rau Vajtsvv. —Yankaunpaus 4:4

“Nej cia li ntxuav kom nej huv; tso plhauv tej kev phem kev qias uas kuv pom nej ua no tseg.” —Yaxayas 1:16

“Kuv yuav muab lub siab lub ntsws tshiab rau nej. Kuv yuav muab nej lub siab uas tawv li pobzeb povtseg thiab muab lub siab uas mloog lus rau nej.” –Ezekees 36:26

Nej yeej paub hais tias Yexus Khetos yog tus uas ncajes; yog li ntawd, tsimnyog nej paub hais tias txhua tus uas ua ncajes yeej yog yug ntawm Vajtsvv los lawm. Peb paub hais tias tus uas yog Vajtsvv yug los, tus ntawd tsis ua txhaum, tiamsis tus uas Vajtsvv yug, nws tsomkwm nws zoo, kom niag ua phem thiaj kov tsis tau nws.

–1 Yauhas 2:29; 5:18

Tiamsis Vajtsvv twb ntxuav nej thiab xaiv nej ua nws cov dawbhuv, thiab suav hais tias nej yog neeg ncajnees hauv Tus Tswv Yexus lub npe thiab raws li Vajtsvv tus Ntsujplig.

–1 Kauleethaus 6:11b

Yexus teb hais tias, “Kuv qhia tseeb rau koj hais tias yog leejtwg tsis yug dua tshiab, tus ntawd yeej tsis pom Vajtsvv lub Tebchaws li.” –Yauhas 3:3

Yog li ntawd, yog leejtwg nyob hauv tus Khetos, tus ntawd yeej ua neeg uas tau tsim dua tshiab. Nws lub neej qub twb tuag lawm, Nimno nws muaj lub neej tshiab huysi lawm.

–2 Kauleethaus 5:17

Nej twb yug dua tshiab los ntawm Vajtsvv txojlus uas yog noob nyob ib txhis uas tsis txawj lwj, thiab muaj txojsia nyob mus ibtxhis.

–1 Petus 1:23

TUAG RAU TXOJKEV TXHAUM — SAWV 29 ROV NTAWM YEXUS

Nej cov uas twb tuag hauv kev tsis mloog lus thiab kev txhaum, Vajtsvv twb ua kom nej ciaj rov los muaj txojsia lawm. Thiab tau tsa peb sawv ua ke thiab kom peb nrog Yexus Khetos zaum ua ke saumntuj ceebtsheej.

—Efexus 2:1, 6

Yexus Khetos yog tus uas ris peb lub txim saum tus ntoo khaublig, kom txojkev txhaum tsis muaj hwjchim kav peb, peb thiaj ua tau neeg ncaj ncees. Yexus tej qhov txhab uas luag nplawm twb kho nej tej mob zoo tas lawm.

—1 Petus 2:24

Vajtsvv twb tsa nej nrog Yexus Khetos sawv hauv qhov tuag rov qab los lawm; yog li ntawd, nej yuav tsum muab siab npuab tej uas nyob saum ntuj ceebtsheej, qhov chaw ntawd yog qhov uas Yexus Khetos zaum saum lub zwmtxvw uas nyob ntawm Vajtsvv sab xis. Nej yuav tsum muab siab npuab tej uas nyob rau saud, tsis yog muab siab npuab tej uas nyob hauv ntiajteb no. Rau qhov nej twb tuag lawm, thiab nej txojsia twb nrog Yexus Khetos tau muab zais ua ke hauv Vajtsvv. Thaum uas Tus Khetos uas yog peb txojsia yuav tshwm los, nej yeej yuav nrog nws tshwm los ua ke hauv nws li koobmeej.

—Kaulauxais 3:1-4

Peb tsis txhob ua li ntawd! Peb twb tuag rau txojkev txhaum lawm, peb tseem yuav ua kev txhaum ntxiv dua thiab los? Ib yam li ntawd, nej yuav tsum nco ntsoov hais tias nej twb tuag rau txojkev txhaum thiab nrog Yexus Khetos koom ib txojsia nyob rau ntawm Vajtsvv lawm.

—Loos 6:2, 11

30 TXOJSIA NTEV DHAWV MUS IBTXHIS

Tus uas tseb tej uas neeg lub siab nyiam, tus ntawd yeej yuav tau sau kev ploj kev tuag raws li tej uas nws tseb. Tiamsis tus uas tseb tej uas Vaj Ntsujplig nyiam, tus ntawd yuav tau sau txojsia ntev mus ibtxhis. –Kalatias 6:8

“Mauxes tsa tus nab tooj rau saum tus ncej tom tiaj suabpuam li cas, luag yuav muab Neeg Leej Tub dai ib yam li ntawd; yog li ntawd, txhua tus uas ntseeg nws yuav tau txojsia ntev mus ibtxhis.” –Yauhas 3:14, 15

“Txojsia ntev mus ibtxhis ntawd yog qhov uas lawv paub koj thiab paub hais tias koj tib leeg thiaj yog Vajtsvv thiab paub Yexus Khetos tus uas koj txib los.” –Yauhas 17:3

“Tus uas ntseeg Leej Tub yuav tau txojsia ntev dhawv mus ibtxhis, tiamsis tus uas tsis kam ntseeg Leej Tub tej lus yuav tsis tau txojsia; Vajtsvv txojkev chim yuav nyob ntawm nws mus li.” –Yauhas 3:36

...lub txiajntsig uas Vajtsvv pub dawb yog txojsia ntev mus ibtxhis uas los ntawm Yexus Khetos tus uas yog peb tus Tswv los. –Loos 6:23

“Kuv qhia tseeb rau nej hais tias tus uas hnov kuv lus thiab ntseeg tus uas txib kuv los, tus ntawd thiaj tau txojsia ntev dhawv mus ibtxhis. Nws yuav tsis raug txiav txim, rau qhov nws twb tawm hauv txojkev tuag los tau txojsia lawm.” –Yauhas 5:24

Vajtsvv twb muab txoj koob hmoov ntawd rau peb txhua tus uas ntseeg Yexus Khetos lawm. Nimno peb twb pom txoj koob hmoov ntawd lawm, rau qhov Yexus Khetos tus uas yog peb tus Cawmseej twb tshwm los lawm. Nws rhuav txojkev tuag lub hwjchim thiab nws qhia Txojmoo Zoo rau peb, peb thiaj paub hais tias muaj txojsia uas ntev dhawv mus. –2 Timautes 1:9b, 10

Vajtsvv tus Ntsujplig ua timkhawv nrog peb tug ntsujplig ua ke hais tias peb yog Vajtsvv cov menuam. –Loos 8:16

Lo lus timkhawv ntawd yog li no: Vajtsvv twb pub txojsia ntev mus ibtxhis rau peb lawm, txojsia ntawd nyob hauv Vajtsvv tus Tub ntag. Tus uas muaj Leej Tub, tus ntawd thiaj muaj txojsia; tus uas tsis muaj Leej Tub, tus ntawd tsis muaj txojsia. Kuv sau tej no tuaj rau nej cov uas ntseeg Vajtsvv tus Tub kom nej paub hais tias nej twb muaj txojsia ntev mus ibtxhis lawm. –1 Yauhas 5:11-13a

“Tus uas lees yuav kuv tej lus qhia thiab ua raws li tej lus ntawd, tus ntawd yog tus uas hlub kuv. Tus uas hlub kuv, kuv Txiv yuav hlub tus ntawd; kuv yuav hlub tus ntawd thiab qhia kuv rau nws paub.” –Yauhas 14:21

Thaum ntawd txhua tus yuav ua ncaj ua ncees, yuav muaj kev thajyeeb thiab nyob kaj siab lug thiab ruaj siab nyob mus ibtxhis. –Yaxayas 32:17

Rau qhov nej yog cov tub lawm, Vajtsvv thiaj txib nws Leej Tub tus Ntsujplig los rau hauv nej lub siab thiaj li hu hais tias, “Anpas, kuv Txiv.” –Kalatias 4:6

Rau qhov Vajtsvv twb pub Vajtsvv tus Ntsujplig rau peb lawm, peb thiaj paub hais tias Vajtsvv nyob hauv peb thiab peb nyob hauv Vajtsvv. –1 Yauhas 4:13

Yog peb coj raws li Vajtsvv tej lus qhia, qhov no peb thiaj paub nws tseeb. –1 Yauhas 2:3

32 TUS UAS MUAJ YEXUS NYOB HAU NWS LUB SIAB TUS NTAWD MUAJ KEV KAJ SIAB

“Nimno kuv los cuag koj. Thiab kuv qhia tej no hauv ntajteb, kom lawv thiaj tau kuv li txojkev zoo siab nyob hauv lawv lub siab puv nkaus.” –Yauhas 17:13

“Kuv yuav rov los pom nej dua, mas nej yuav zoo siab kawg li. Txojkev zoo siab ntawd tsis muaj leejtwg txeeb tau ntawm nej mus li.” –Yauhas 16:22b

Rau qhov Vajtsvv lub tebchaws tsis yog kev noj kev haus, tiamsis yog kev ncaj ncees, kev kaj siab lug thiab kev zoo siab uas Tus Ntsujplig tus Dawbhuv pub rau peb.

–Loos 14:17

“Yog li ntawd nej yuav muaj zoo siab ntaus dej los ntawm qhov dej cawm txojsia los.” –Yaxayas 12:3

“Kuv twb nrog tus Khetos tuag ntawm tus ntoo khaublig lawm, kuv thiaj tsis yog tus uas muaj txojsia, thiab txojsia uas nimno kuj muaj ntawm nqajtawv no yog muaj los ntawm Vajtsvv Leej Tub li kev ntseeg, tus uas hlub kuv thiab muab nws tus kheej theej kuv txhoj.” –Kalatias 2:20

“Kuv hais tej no rau nej kom nej zoo siab ib yam li kuv zoo siab, thiab nej yuav zoo siab kawg nkaus li.”

–Yauhas 15:11

Koj yuav qhia txojkev uas mus tau txojsia rau kuv, koj nrog nraim kuv ua rau kuv txaus siab thiab zoo siab mus ibtxhis. –Phau Ntawv Nkauj 16:11

Txawm yog nej tsis pom nws los nej yeej hlub nws, thiab txawm yog nej qhovmuag tsis pom nws los nej yeej ntseeg nws. Yog li ntawd, nej thiaj zoo siab kawg nkaus tsis pom qab yuav piav li. –1 Petus 1:8

Tiamsis yog nej tsis mloog tus TSWV lus thiab tsis ua raws li nws tej lus samhwm, nws yuav tawmtsam nej thiab nej pojkoob yawmtxwv.

-1 Xamuyees 12:15

Nej yeej paub lawm hais tias yog nej zoo siab ua luag qhev thiab ntseeg luag lus, luag yeej yuav ua nej ua tus tswv. Yog nej cia txojkev txhaum ua nej tus tswv, thaum kawg nej yuav raug kev ploj kev tuag. Yog nej mloog Vajtsvv lus, nej thiaj yog neeg ncaj ncees.

-Loos 6:16

Nws yuav pab nej txhua tus uas raug kev txomnyem, kom nej thiab peb tau nyob kaj siab lug. Nws yuav pab peb li ntawd, thaum peb tus Tswv Yexus los saum ntuj los. Thiab thaum tus Tswv Yexus los yuav muaj cov tubtxib saumntuj uas muaj Yexus lub tshwjchim thiab muaj nplaim taws cig lam lug nrog nws los, nws yuav rau txim rau cov neeg uas tsis mloog Vajtsvv, thiab rau cov neeg uas tsis ntseeg Txojmoo Zoo uas hais txog peb tus Tswv Yexus. Cov neeg ntawd yuav raug txim mus ibtxhis, lawv yuav tsis tau nrog peb tus Tswv Yexus nyob. Lawv yuav tsis pom nws tus tshwjchim uas ci ntsa iab.

-2 Thexalaunikes 1:7-9

“Hnub no kuv yuav cia nej xaiv saib nej yuav tej lus foom koob hmoov lossis yuav tej lus foom tsis zoo. Yog nej ua raws li tus TSWV uas yog nej tus Vajtsvv tej lus uas hnub no kuv qhia rau nej, nej yuav tau koob hmoov; tiamsis yog nej tsis ua raws li tus TSWV uas yog nej tus Vajtsvv tej lus ntawd, ces nej yuav raug foom tsis zoo.”

-Kevcail 11:26-28

Thiab txhua tus yuav lees hais tias Yexus Khetos yog tus Tswv, kom Vajtsww tus uas yog Leej Txiv thiaj tau koob meej.

–Filipis 2:11

“Tus uas lees tabmeeg sawvdaws hais tias, nws yog kuv li, ces kuv yuav lees yuav tus ntawd tabmeeg kuv Txiv tus uas nyob saum ntuj ceebtsheej ib yam li ntawd. Tiamsis tus uas tsis lees yuav kuv tabmeeg sawvdaws, kuv yuav tsis lees tus ntawd tabmeeg kuv Txiv tus uas nyob saum ntuj ceebtsheej thiab.”

–Mathais 10:32, 33

Qhov no nej yuav paub Vajtsww tus Ntsujplig. Txhua tus ntsujplig uas lees hais tias Yexus Khetos twb los Yug ua neeg, mas tus ntsujplig ntawd yog los ntawm Vajtsww los.

–1 Yauhas 4:2

Tus uas lees hais tias Yexus yog Vajtsww tus Tub, Vajtsww yeej nyob hauv tus ntawd thiab tus ntawd yeej nyob hauv Vajtsww.

–1 Yauhas 4:15

Yog koj lub qhov ncauj lees hais tias Yexus Khetos yog tus Tswv thiab koj lub siab ntseeg hais tias Vajtsww twb tsa Yexus Khetos sawv hauv qhov tuag rov qab los lawm, koj yuav dim. Rau qhov tus uas ntseeg hauv nws lub siab, Vajtsww suav hais tias nws yog tus uas ncaj ncees, thiab tus uas lees ntawm nws lub qhovncauj, Vajtsww suav hais tias nws yog tus uas dim txim.

–Loos 10:9, 10

“Yog leejtwg txajmuag qhia kuv lub npe thiab kuv tej lus, thaum Neeg Leej Tub tus uas muaj Leej Txiv lub tshwjchim uas ci ntsa iab nrog cov timtsww dawbhuv los saum ntuj los, kuv yuav txajmuag lees hais tias tus ntawd yog kuv li.”

–Lukas 9:26

NTXWGNYOOG — PEB TUS YEEBNCUAB 35



Nej yuav tsum ceevfaj zov zoo tsis txhob nkees, rau qhov dab Ntxwgnyoog tus uas yog nej tus yeebncuab, nws mus mus los los ib yam li tus tsov ntxhuav uas quaj nrhiav tom tsiaj noj. Nej yuav tsum muab siab rau ntseeg thiab tawmtsam dab Ntxwgnyoog.

—1 Petus 5:8, 9a

Tom qab ntawd Vaj Ntsujplig coj Yexus mus rau tom roob mojsab qhua kom dab Ntxwgnyoog tau sim Yexus siab. Yexus hais rau dab Ntxwgnyoog hais tias, “Xatas es, koj cia li khiav mus! Vajtsvv txojlus hais tias, ‘Nej yuav tsum pehawm tus TSWV uas yog nej tus Vajtsvv tib leeg thiab ua nws tes haujlwm xwb!’ ” Ces dab Ntxwgnyoog txawm ncaim Yexus mus lawm. Tom qab ntawd muaj ib cov tubtx-ib saum-ntuj los tu Yexus.

—Mathais 4:1, 10, 11

Thaum kawg no kuv qhia rau nej hais tias nej yuav tsum nrog tus Tswv sib raug zoo, nej thiaj li yuav muaj zog thiab tau nws lub hwjchim uas loj kawg nkaus. Nej yuav tsum muab tej cuabyej uas Vajtsvv pub rau nej lawm los hnav. Yog nej ua li ntawd thaum dab Ntxwgnyoog tuaj ntxias nej, nej thiaj yuav kovyeej.

—Efesus 6:10, 11

Txij thaum chivkeeb los dab Ntxwgnyoog yeej yog tus tua neeg thiab nws tsis ua raws li qhov tseeb, rau qhov nws tsis nyiam qhov tseeb. Tej lus uas nws hais nws hais dag xwb, rau qhov nws yeej yog tus niag dag thiab nws yog txojkev dag leej txiv.

—Yauhas 8:44b

Yog tsimnyog kuv zam txim rau leejtwg, kuv yeej zam tus ntawd lub txim tabmeeg Yexus Khetos, vim kuv saib rau saum nej sawvdaws. Kuv ua li no kom Xatas thiaj ntxias tsis tau peb; rau qhov peb twb paub nws tes haujlwm tas lawm.

—2 Kauleethaus 2:10b, 11

TAWMTSAM YEEJ DAB NTXWGNYOOG LAWM

Vim cov menuam ntawd puavleej yog neeg muaj roj muaj ntshav, Yexus thiaj los Yug ua neeg muaj roj muaj ntshav ib Yam li lawv. Nws ua li ntawd, nws txojkev tuag thiaj rhuav tau dab Ntxwgnyoog lub hwjchim uas ua kom neeg tuag puastsuaj mus.

—Henplais 2:14

Tus uas ua txhaum yog los ntawm dab Ntxwgnyoog menuam, rau qhov dab Ntxwgnyoog yog tus uas ua txhaum puag thaum chivkeeb los lawm. Qhov uas Vajtsvv tus Tub los hauv ntiajteb no twb yog nws los rhuav dab Ntxwgnyoog tes haujlwm.

—1 Yauhas 3:8

“Kuv yuav txib koj mus qhia cov neeg uas nyob hauv qhov tsaus ntuj kom lawv tawm los nyob qhov pom kev thiab tawm hauv Xatas txhais tes los cuag Vajtsvv. Thaum lawv los ntseeg kuv lawm, Vajtsvv yuav zam txim rau lawv, lawv thiaj tau los nrog cov neeg uas Vajtsvv xaiv cia ua Vajtsvv haivneeg lawm nyob ua ke.” —Tes Haujlwm 26:18

Tsis muaj ib Yam dabtsi yuav cais tau peb tawm ntawm Khetos txojkev hlub, tsis hais teebmeem, kev nyuaj siab, kev tsimtxom kev tshaib kev nqhis, kev txomnyem, kev txhawj ntshai, lossis kev ploj kev tuag. Txawm yog li ntawd los Yexus Khetos tus uas hlub peb, nws twb pab peb kovyeej txhua Yam ntawd huv tibsi lawm.

—Loos 8:35, 37

Yog li ntawd, nej cia li mloog Vajtsvv lus. Nej yuav tsum tawmtsam dab Ntxwgnyoog, dab thiaj yuav khiav ntawm nej mus. Nej cia li los nyob ze Vajtsvv, Vajtsvv thiaj yuav los nyob ze nej.

—Yakaunpaus 4:7, 8a

Txawm yog kuv hais tau txhua haivneeg tej lus thiab hais tau cov tubtxib saumntuj tej lus los kuv tsis muaj kev hlub, ces tej lus uas kuv hais tau ntawd zoo li tej suab tswb tooj tswb hlau uas nrov nrov xwb.

–1 Kauleethaus 13:1

Tiamsis Vaj Ntsujplig yuav ua rau neeg muaj lub siab sib hlub, zoo siab, nyob kaj siab lug, ua siab ntev, muaj lub siab dawb siab zoo, zoo siab hlo pab lwm tus, ua siab ncaj, tsis khavtheeb thiab paub tswj yus lub siab. –Kalatias 5:22, 23a

Yexus rov hais dua zaum ob hais tias, “Ximoos Yauhas tus tub, koj puas hlub kuv?” Ximoos teb Yexus hais tias, “Tus Tswv, koj yeej paub hais tias kuv nyiam koj.” Yexus hais rau Ximoos hais tias, “Koj cia li saib kuv pab yaj.” –Yauhas 21:16

“Yog nej hlub kuv, nej yeej yuav ua raws li kuv tej lus samhwm.”

–Yauhas 14:15

Tus uas hais tias, “Kuv hlub Vajtswv,” tiamsis nws tseem ntxub nws kwv nws tij, tus ntawd hais dag xwb. Yog nws twb tsis hlub nws kwv nws tij tus uas nws qhovmuag pom, nws yuav ua li cas hlub Vajtswv tus uas nws qhovmuag tsis pom.

–1 Yauhas 4:20

“Yog nej ib leeg hlub ib leeg, sawvdaws thiaj yuav paub hais tias nej yog kuv cov thwjtum.”

–Yauhas 13:35

Peb paub hais tias peb twb dim txojkev tuag lawm, nimno peb muaj txojsia tshiab; peb paub li no rau qhov peb muaj lub siab hlub peb cov kwvtij. Tus uas tsis muaj lub siab hlub lwm tus, tus ntawd zoo ib yam li tus neeg uas tuag lawm.

–1 Yauhas 3:14

Qhov uas peb hlub Vajtswv yog peb ua raws li tej lus uas Vajtswv hais. Thiab Vajtswv tej lus uas peb yeej coj kuj tsis nyuaj li.

–1 Yauhas 5:3



Limtiam thawj hnub thaum sawv ntxov uas Yexus sawv hauv qhov tuag rov qab los, Yexus xub los tshwm rau Malis Madalas pom. Tus Malis no yog tus uas thaud raug xya tus dab thiab Yexus ntib cov dab ntawd tawm lawm. —Malakaus 16:9

Vim peb tej kev txhaum Vajtsvv thiaj cia Yexus Khetos los tuag theej peb lub txhoj, thiab qhov uas Vajtsvv tsa Yexus sawv hauv qhov tuag rov qab los yog ua kom Vajtsvv thiaj suav hais tias peb yog neeg ncaj ncees. —Loos 4:25

Peb twb pom txhua yam uas Yexus ua hauv cov Ixayees tej zos, thiab hauv lub nroog Yeluxalees, peb ua tau timkhawv hais tias yeej muaj tseeb tiag. Txawm yog nws ua li ntawd los luag tseem muab nws coj mus ntsia rau saum ntoo khaublig thiab muab nws tua povtseg. Tiamsis peb hnub tom qab Vajtsvv tsa nws sawv hauv qhov tuag rov qab los thiab nws tau los tshwm rau ib cov neeg pom. Tsis yog sawvdaws pom, tiamsis tsuas yog peb cov uas Vajtsvv twb xub xaiv cia ua timkhawv pom xwb. Thaum Vajtsvv tsa nws sawv hauv qhov tuag rov qab los, peb cov uas ua timkhawv no, peb tau nrog nws noj nws haus ua ke.

—Tes Haujlwm 10:39-41

Dhau yim hnub tom qab, Yexus cov thwjtym rov tuaj sib sau rau hauv lub tsev ntawd dua; zaum no Thaumas nrog lawv nyob. Lawv liaj qhovrooj huv tibsi, ces Yexus los sawv nruab nrab hauv lawv thiab hais tias, “Nej cia li muaj kev kaj siab.” Yexus hais rau Thaumas hais tias, “Koj cia li saib kuv ob txhais tes thiab cev koj tus ntivtes los xuas. Cev koj txhais tes los xuas lub qhov ntawm kuv sab tav. Tsis txhob ua xyim xyav, cia li ntseeg.” Thaumas teb Yexus hais tias, “Koj yog kuv tus Tswv thiab yog kuv tus Vajtsvv!”

—Yauhas 20:26-28

“Lub sijhawm tabtom los thiab twb los txog lawm; thaum ntawd yog thaum uas cov neeg tuag lawm yuav hnov Vajstwv tus Tub lub suab hu, thiab txhua tus uas hnov yuav ciaj rov qab los. Nej tsis txhob poob siab rau kuv tej lus no, rau qhov lub sijhawm tabtom los lawm; thaum ntawd cov neeg uas tuag lawm yuav hnov Leej Tub lub suab hu, thiab lawv yuav tawm hauv lawv tej qhov ntxa los: cov neeg uas ua zoo yuav sawv los tau txojsia, cov neeg uas ua phenm ua qias yuav sawv los raug kev txiat txim.”

—Yauhas 5:25b, 28, 29

Nej twb paub lawm hais tias peb txhua tus uas ua kevcai raus dej, peb twb nrog Yexus Khetos koom ib txojsia lawm. Qhov uas ua kevcai raus rau hauv dej, yog peb zoo li tuag ib yam li Yexus tuag. Qhov uas luag muab peb raus rau hauv dej, yog zoo li luag muab peb faus nrog Yexus thiab peb koom nws txojkev tuag; yog li ntawd, Leej Txiv tus uas muaj hwjchim tsa Yexus sawv hauv qhov tuag rov qab los, nws yuav pub lub neej tshiab rau peb. Peb nrog Yexus koom nws txojkev tuag li cas, peb yuav tau nrog nws sawv hauv qhov tuag rov qab los ib yam li ntawd thiab. —Loos 6:3-5

Yog Yexus Khetos nyob hauv nej lub siab, txawm yog nej lub cev tuag vim t xo jkev txhaum los nej tus Ntsujplig yuav tsis tuag, vim Vajtswv suav hais tias nej ncaj ncees lawm. Yog Vajtswv tus Ntsujplig uas tsa Yexus Khetos sawv hauv qhov tuag los nyob hauv nej lub siab lawm, ces tus uas tsa Yexus Khetos sawv hauv qhov tuag rov qab los, nws yuav tsa nej lub cev uas txawj tuag sawv rov qab los thiab, rau qhov Vaj Ntsujplig nyob hauv nej. —Loos 8:10, 11

Rau qhov nws los pab nws haivneeg thiab nws twb tso lawm dim lawm. Nws yuav pub kom peb dim ntawm peb cov yeebncuab txhais tes, thiab yuav pab kom peb muaj siab tawv teevtiam nws tsis ntshai li, kom peb ua tau neeg dawbhuv thiab ncaj ncees raws li Vajtsvv lub siab nyiam mus tas peb tiam neej.

–Lukas 1:68b, 74, 75

Cov kwvtij uas kuv hhub, Vajtsvv twb coglus li no rau peb lawm. Yog li ntawd, peb yuav tsum ua neeg dawbhuv thiab paub ntshai Vajtsvv. Peb yuav tsum tso plhuav tej kev txhaum uas peb ua thiab uas peb xav huv tibsi tseg.

–2 Kauleethaus 7:1

Cov kwvtij, peb twb qhia rau nej lawm hais tias nej yuav tsum ua nej lub neej li cas thiaj yuav haum Vajtsvv siab, nej twb ua li peb qhia ntawd lawm. Tiamsis nimno peb thov ntuaas nej raws li peb tus Tswv Yexus kom peb ntuaas, nej yuav tsum ua nej lub neej kom zoo dua yav tas los lawm thiab. Rau qhov nej twb paub lawm hais tias tej lus uas peb qhia nej yog peb tus Tswv Yexus kom peb qhia rau nej. Vajtsvv xav kom nej ua nej lub neej dawbhuv, tsis txhob ua kev nkauj kev nraug, thiaj li yuav poj yuav sev zoo li kev dawbhuv thiab zoo nkauj. Nej txhua tus yuav tsum tswj nej lub cev thiab ncaj ncees rau nej tus pojniam, nej thiaj yuav ua tau haum Vajtsvv siab thiab haum neeg siab. Vajtsvv hu peb los ua neeg dawbhuv, tsis yog hu peb los ua plees ua yi.

–1 Thexalaunikes 4:1-4, 7

Vajtsvv tus uas tau hu nej los ua nws haivneeg, nws yog tus uas dawbhuv, yog li ntawd nej yuav tsum ua nej lub neej huvsi kom dawbhuv thiab. Vajtsvv txojlus hais tias, “Nej yuav tsum ua neeg dawbhuv rau qhov kuv yog tus uas dawbhuv.”

–1 Petus 1:15, 16

Twb yog vim li ntawd luag thiaj coj Yexus mus tua sab ntug nroog nraud. Yexus tuag li ntawd twb yog nws muab nws cov ntshav ntxuav kom cov tibneeg ua neeg dawbhuv.

—Henplais 13:12

Thaum tsis tau tsim ntuj tsim teb, Vajtsvv twb xub xaiv peb los hauv Yexus Khetos thiaj ua Vajtsvv haivneeg lawm. Vajtsvv ua li ntawd, kom peb cov uas Vajtsvv niaj hnub tsomkwm thiaj yuav ua tau neeg dawbhuv tsis muaj ib qho txhaum tabmeeg Vajtsvv li. Nej yuav tsum muab lub siab tshiab los coj. Lub siab tshiab ntawd Vajtsvv tsim zoo li Vajtsvv tus yam ntxwv, sawvdaws thiaj pom hais tias nej ua nej lub neej ncaj ncees thiab dawbhuv tiag.

—Efexus 1:4; 4:24

Nyob qhov ntawd yuav muaj ib txoj niamkev hu ua “Txojkev uas Dawbhuv.” Tsis muaj neeg txhaum taug txojkev ntawd li; thiab cov neeg ruam yuav tsis taug txojkev ntawd ib zaug li.

—Yaxayas 35:8

Tiamsis yog peb lees peb tej kev txhaum rau Vajtsvv, Vajtsvv yog tus ncaj ncees, nws yuav ua raws li nws tau coglus tseg lawm, nws yuav zam peb tej kev txhaum thiab nws yuav ntxhuav peb tej kev txhaum huv tibsi mus.

—1 Yauhas 1:9

Tej ntawd yuav puastsuaj mus huv tibsi, yog li ntawd nej yuav tsum ua nej lub neej zoo li cas? Tsimnyog nej ua nej lub neej kom dawbhuv thiab hwm Vajtsvv. —2 Petus 3:11

Qhuas tus TSWV lub npe uas muaj tshwjchim, qhau cev hlo rau ntawm Tus Dawbhuv lub xubntiag thaum nws tshwm los.

—Phau Ntawv Nkauj 29:2

42 VAJ NTSUJPLIG KAV NEEG LUB SIAB

“Txawm yog nej yog neeg txhaum los nej tseem paub muab yam zoo rau nej tej menuam. Yog li ntawd, nej Leej Txiv tus uas nyob saum ntuj ceebtsheej, nws yimhuab yuav muab Vaj Ntsujplig tus Dawbhuv rau txhua tus uas thov nws!”

—Lukas 11:13

Thaum lawv thov tas, qhov chaw uas lawv nyob ntawd txawm ua zog koog; Vaj Ntsujplig tus Dawbhuv txawm los kav lawv txhua tus lub siab, lawv thiab muaj lub siab tawv qhia Vajtswv Txojlus.

—Tes Haujlwm 4:31

“Kuv yuav pub kuv Tus Ntsujplig rau hauv nej, kom nej coj tau raws li kuv txoj kevcai thiab ceev kuv tej lus sam-hwm.”

—Ezekees 36:27

Yog Vajtswv tus Ntsujplig nyob hauv nej lub siab, nej yeej tsis ua raws li nej lub siab qub qhia nej, tiamsis nej ua raws li Vaj Ntsujplig qhia nej. Tus uas tsis muaj Khetos tus Ntsujplig, tus ntawd yeej tsis yog nws tug.

—Loos 8:9

“Tiamsis thaum Vaj Ntsujplig tus Dawbhuv los rau saum nej lawm, nws yuav pub hwjchim rau nej, thiab nej yuav ua timkhawv qhia kuv zaj.”

—Tes Haujlwm 1:8a

Nws puv npo Vaj Ntsujplig tus Dawbhuv thiab muab siab rau ntseeg.

—Tes Haujlwm 11:24a

Cov ntseeg ntawd zoo siab kawg li, thiab lawv puv npo Vaj Ntsujplig tus Dawbhuv.

—Tes Haujlwm 13:52

Nej tsis txhob haus cawv txiv hmab kom qaug, rau qhov tej ntawd yuav ua rau nej ua neeg tsis tsimtxiaj. Nej yuav tsum cia Vaj Ntsujplig kav tagnrho nej lub siab.

—Efexus 5:18

**COGLUS ZOO KAWG NKAUS 43
RAU COV NTSEEG**

Tus TSWV nyob ze cov neeg uas tas kev cia siab, nws cawm cov neeg uas hloov dua siab tshiab.

—Phau Ntawv Nkauj 34:18

Kuv yog tus uas tsim lub ntuj thiab lub ntiajteb no tag-nrho huv tibsi! Kuv txaus siab heev rau cov neeg uas txo hwjchim, cov neeg uas hloov dua siab tshiab, cov neeg uas hwm kuv thiab mloog kuv lus.

—Yaxayas 66:2

Yexus teb nws hais tias, “Yog koj ntseeg taus! Leejtwg ntseeg taus, mas nws txawj ua tau txhua yam huv tibsi.”

—Malakaus 9:23

Cov kwvtij uas kuv hlub, nej tsis txhob poob siab thaum nej raug kev tsimtxom heev, tej uas nej raug ntawd twb yog sim nej siab, nej tsis txhob xav hais tias tej kev tsimtxom ntawd tsis zoo li tej uas sawvdaws ibtxwm raug. Tiamsis nej yuav tsum zoo siab, rau qhov uas nej raug kev tsimtxom ib yam li tus Khetos twb raug los lawm. Thaum sawvdaws pom nws lub tshwjchim uas ci ntsa iab, nej yuav zoo siab kawg nkaus li.

—1 Petus 4:12, 13

“Vajtsww yuav so lawv tej kua muag huv tibsis mus. Tej kev tuag, kev ntxhov siab, kev quaj ntsuag thiab kev mob kev nkeeg yuav tsis muaj ib zaug li lawm. Tej uas sawvdaws ibtxwm muaj los twb ploj tas lawm.” —Tshwmsim 21:4

Cia siab rau tus TSWV thiab ua zoo, yog nej ua li ntawd, nej yuav nyob hauv lub tebchaws tso siab lug.

—Phau Ntawv Nkauj 37:3

Tiamsis nej yuav tsum xub nrhiav Vajtsww lub Tebchaws thiab nws li txojkev ncaj ncees tso, Vajtsww mam muab txhua yam no ntxiv rau nej.

—Mathais 6:33

**44 COGLUS RAU COV UAS
RAUG SIM SIAB**

Nimno Yexus paub pab cov neeg uas raug kev dag ntxias,
rau qhov nws twb raug kev dag ntxias thiab raug kev
tsimtxom los lawm.

—Henplais 2:18

Tshuav tsis ntev Vajtsvv tus uas ua rau peb tau nyob kaj
siab lug yuav muab dab Ntxwgnyoog nias nthi rau nej tsuj.

—Loos 16:20a

Thaum nej hla tej dej tob, kuv yuav nrog nraim nej lossis
nej mus hauv dej, dej yuav tsis tshoob nej. Thaum nej mus
hauv cov nplaim hluavtaws, hluavtaws yuav tsis kub nej.

—Yaxayas 43:2a

Tej kev sim siab uas nej raug yeej yog tej kev sim siab uas
sawvdaws raug. Vajtsvv yog tus ncaj ncees, nws yeej tsis cia
nej raug kev sim siab dhau qhov uas nej yuav nyiaj taus,
tiamsis thaum nej raug kev sim siab Vajtsvv yuav pab kom
nej muaj kev uas dim thiab kom nej muaj zog nyiaj taus.

—1 Kauleethaus 10:13

Qee zaus tus neeg ncajncees raug kev txomnyem ntau
tiamsis tus TSWV cawm nws dim tej ntawd huv tibsi.

—Phau Ntawv Nkauj 34:19

Peb paub hais tias peb cov uas muaj siab npuab Vajtsvv,
txawm yog peb tau zoo thiab txomnyem los Vajtsvv yuav ua
kom tej ntawd muaj nqis rau peb cov uas Vajtsvv pom zoo
hu los raws li Vajtsvv npaj tseg lawm.

—Loos 8:28

Peb tus Povthawj Hlob yeej paub tej uas peb qaug zog,
rau qhov nws twb raug kev dag ntxias ib yam li peb los
lawm. Txawm yog li ntawd los nws tsis tau ua ib qho
txhaum li.

—Henplais 4:15

“Tus uas kovyeej yuav txais txhua yam tsav ua nws qub-txeeg qubtes, Kuv yuav ua tus ntawd lawm tus Vajtswv, thiab nws yuav ua kuv tus tub.” –Tshwmsim 21:7

“Kuv yuav tsa tus uas kovyeej ua tus ncej zeb txheem kuv tus Vajtsww lub tuamtsev, thiab nws yuav nyob hauv mus ibtxhis li. Kuv yuav sau kuv tus Vajtsww lub npe thiab sau kuv tus Vajtsww lub nroog lub npe rau ntawm nws. Lub nroog ntawd yog lub nroog Yeluxalees tshiab uas yuav los ntawm kuv tus Vajtsww uas nyob saumntuj ceebtsheej los. Kuv yuav sau kuv lub npe tshiab rau ntawm nws thiab.”

-Tshwmsim 3:12

“Tus uas kovyeej, nws yuav tau hnav cev tsoos tsho dawb; kuv yuav tsis rho nws lub npe tawm hauv phau ntawv uas sau cov neeg uas muaj sia ntev mus ibtxhis lawm tej npe. Thiab kuv yuav tabmeeg qhia nws lub npe rau kuv Txiv thiab rau nws cov tubtxib saumntuj hais tias tus ntawd yog kuv li.”

-Tshwmsim 3:5

“Kuv yuav pub tus uas kovyeej los nrog kuv zaum ntawm kuv lub zwmtxwv, ib yam li kuv Txiv kom kuv los nrog nws zaum ntawm nws lub zwmtxwv rau qhov kuv twb kovyeej lawm.” –Tshwmsim 3:21

-Tshwmsim 3:21

“Yog leejtwg muaj pobntseg, cia li mloog tej lus uas Vaj Ntsujplig qhia rau cov pawg ntseeg! Kuv yuav pub tus uas kovyeej mus noj tsob txiv ntoo txojsia uas nyob hauv plawy Vajtswv lub Vaj.” –Tshwmism 2:7

-Tshwmism 2:7

“Tus uas kovyeej thiab ua raws li kuv lub siab nyiam mus txog hnub kawg, kuv yuav pub hwjchim rau tus ntawd kav txhua haivneeg huv tibsi.” –Tshwmsim 2:26

Kuv hais ib los rau nej cov uas twb sib yuav lawm, tus poj-niam yuav tsum tsis txhob tso nws tus txiv tseg, tej lus no tsis yog kuv hais tiamsis yog tus Tswv hais; yog nws muab nws tus txiv tso tseg, nws tsis txhob mus yuav dua txiv tshiab, tiamsis yog nws xav yuav txiv, nws cia li rov qab los yuav tus txiv qub xwb; thiab tus txiv tsis txhob muab nws tus poj-niam nrauj. Tus pojniam uas muaj txiv, yog tus txiv tseem ua neej nyob nws yuav tsum nrog tus txiv nyob mus li; tiamsis yog nws tus txiv tuag lawm, nws yuav dua txiv tshiab los tau, tiamsis yuav tsum yuav tus uas nyob hauv tus Tswv xwb.

-1 Kauleethaus 7:10, 11, 39

Raws li txoj kevciai, tus pojniam uas yuav txiv lawm, nws yuav tsum nrog nws tus txiv nyob mus txog thaum nws tus txiv tuag, tiamsis yog tus txiv tuag lawm, tus pojniam mus yuav lwm tus los yeej tsis txhaum kevciai. Yog hais tias nws tus txiv tseem nyob, nws cia li mus yuav dua txiv lawm, sawvdaws yuav hais tias nws deev hluas nraug; tiamsis yog nws tus txiv tuag lawm, txawm yog nws mus yuav txiv tshiab los yeej tsis txhaum kevciai.

-Loos 7:2, 3a

“Yog leejtwg muab nws tus pojniam nrauj lawm thiab mus yuav dua pojniam, twb yog nws ua txhaum kev deev luag poj luag sev; thiab yog leejtwg mus yuav ib tug poj-nrauj, kuj yog nws ua txhaum kev nkauj kev nraug ib yam nkaus.”

-Lukas 16:18

“Tiamsis nimno kuv qhia rau nej hais tias, yog leejtwg tus pojniam tsis tau deev hluas nraug los luag sev, nws cia li muab nrauj lawm, kuj yog nws ua rau tus pojniam ntawd ua txhaum kev deev luag poj luag sev, thiab yog leejtwg mus yuav tus pojniam ntawd, kuj ib yam li tus ntawd deev luag pojniam.”

-Mathais 5:32

“Thaum uas kuv tu tau chaw rau nej lawm, kuv yuav rov qab los thiab tos nej mus nrog kuv nyob; kuv nyob qhov twg nej yeej yuav nrog kuv nyob qhov ntawd.” –Yauhas 14:3

“Thaum ntawd nej yuav pom ib lub cim tshwm saum nruab ntug qhia hais tias Neeg Leej Tub yuav los. Txhua haivneeg hauv qab ntuj no yuav quaj nyiav ntsoog qees thaum lawv pom Neeg Leej Tub nrog nws lub tshwjchim uas ci ntsa iab thiab nws lub hwjchim los saumntuj los.”

–Mathais 24:30

“Yog leejtwg txajmuag rau qhov kuv thiab kuv tej lus rau cov neeg tiam no uas deev luag poj luag sev thiab ua phem ntau, ces thaum Neeg Leej Tub tus uas muaj Leej Txiv lub tshwjchim ci ntsa iab nrog cov tub txib saumntuj uas dawbhuv los saum ntuj los, nws yuav txajmuag lees hais tias tus ntawd yog nws li.”

–Malakaus 8:38

Cov uas kuv hlub es, nimno peb twb yog Vajtsvv cov menuam lawm, tiamsis peb tseem tsis tau paub tseeb hais tias yav tom ntej peb yuav zoo li cas. Peb tsuas paub hais tias thaum nws tshwm los, peb yuav zoo li nws, rau qhov peb yuav pom tseeb hais tias nws zoo li cas tiag. Txhua tus uas cia siab rau Yexus Khetos yeej yuav tswj kom nws ua tau lub leej dawbhuv ib yam li Yexus Khetos uas yog tus dawbhuv.

–1 Yauhas 3:2, 3

“Yog li ntawd, nej los yuav tsum zov tos, rau qhov Neeg Leej Tub yuav los lub sijhawm uas nej tsis nco ceefaj.”

–Lukas 12:40

“Thaum Neeg Leej Tub los, nws muaj Leej Txiv lub tshwjchim ci ntsa iab, thiab nws cov tubtxib saum ntuj yuav nrog nws los, thiab nws yuav muab nqi zog rau txhua tus raws li tes haujlwm uas lawv tau ua lawm.”

–Mathais 16:27

“Lub ntuj thiab lub ntiajteb no yuav ploj mus, tiamsis kuv tej lus yuav tsis muaj ib los poob li.”

—Lukas 21:33

Twb yog vim li ntawd, nej thiaj ntseeg Vajtsvv tus uas tsa Yexus Khetos sawv hauv qhov tuag rov qab los thiab pub hwjchim rau nws; yog li ntawd, nimno nej thiaj muab siab rau ntseeg thiab cia siab rau Vajtsvv tib leeg xwb.

—2 Petus 1:21

Vajtsvv Txojlus txhua lo puavleej yog Vajtsvv tshoov neeg lub siab kom neeg sau. Txojlus ntawd muaj qabhai thiaj li qhia qhov tseeb, qhuab ntuas tus uas ua txhaum, pab tau tus uas yuam kev, thiab qhia kom sawvdaws paub ua lub neej ncaj ncees.

—2 Timautes 3:16

Koj txojlus zoo ib yam li lub teeb uas taws ua kuv ntej thiab ci rau kuv txoj haukev.

—Phau Ntawv Nkauj 119:105



THOV VAJTSWV THIAB ZAM TXIM

“Yog li ntawd, tsim nyog nej thov li no, ‘Peb Leej Txiv tus uas nyob saumntuj ceebtsheej; thov kom sawvdaws hwm koj lub npe kom dawbhuv; thov koj li tebchaws los nyob; thov koj pab kom peb ua tau raws li koj lub siab nyiam ib yam li cov uas nyob saumntuj. Thov koj pub mov rau peb muaj noj hnub no. Thov koj zam peb li nqi txim ib yam li peb twb zam lawv tej uas tshuav peb li nqi. Thov tsis txhob cia tej kev sim siab ntxias tau peb, tiamsis thov koj pab kom peb dim ntawm tus niag uas ua phem ntawd.’ Yog nej zam txim rau tus uas ua txhaum rau nej lawm, nej Leej Txiv tus uas nyob saumntuj ceebtsheej thiaj yuav zam txim rau nej. Tiamsis yog nej tsis zam txim rau lwm tus, nej Leej Txiv tus uas nyob saumntuj ceebtsheej yuav tsis zam txim rau nej thiab.”

—Mathais 6:9-15

VAJTSWV TXOJKEV CAWM DIM

Kuv xav tau tus Cawmseej.

Rau qhov txhua tus puavleej ua txhaum thiab tu ncua
Vajtsvv lub tshwjchim lawm. –Loos 3:23

Yexus Khetos tus txhiv kuv dim.

Rau qhov Yexus Khetos tuag tib zaug xwb txhiv tau tib-
neeg lub txim lawm, nws yog tus ncaj ncees, nws tuag txhiv
cov uas tsis ncaj ncees, nws ua li ntawd nws thiaj coj tau nej
mus cuag Vajtsvv. –1 Petus 3:18a

Kuv xav lees kuv lub txim.

Yog koj pheej npog tej kev txhaum tseg koj lub neej yuav
tsis vammeej; yog koj lees thiab tso plhuav tej kev txhaum
tseg Vajtsvv yuav hhub koj. –Pajlug 28:13

Yog li ntawd, nej yuav tsum hloov dua siab tshiab thiab
tig rov los cuag Vajtsvv, Vajtsvv thiaj yuav zam nej lub
txim. –Tes Haujlwm 3:19a

***Kuv yuav tsum txais yuav Yexus los ntawm
kuv txojkev ntseeg.***

Txawm yog li ntawd los cov neeg uas lees yuav nws thiab
ntseeg nws, nws pub lawv muaj cai los ua Vajtsvv cov
menyuam. –Yauhas 1:12

Kuv paub tseeb hais tias kuv dim lawm tiag.

Tus uas muaj Leej Tub, tus ntawd thiaj muaj txojsia.
–1 Yauhas 5:12a

“Kuv qhia tseeb rau nej hais tias tus uas mloog kuv lus
thiab ntseeg tus uas txib kuv los, tus ntawd thiaj tau txojsia
ntev dhawv mus ibtxhis. Nws yuav tsis raug txiav txim, rau
qhov nws twb tawm hauv txojkev tuag los tau txojsia lawm.”
–Yauhas 5:24

Phau ntawv no raug luam tawm ua ntau haivneeg lus los ntawm lub Koomhaum Xa Txojmoo Thooj Ntiajteb raws li uas Vajtsvw tau teb tej lus thov thiab pub kom muaj nyiajtxiaj txaus luag. Tseem yuav muaj dua lwm phau ntawv yuav tshwm tsis ntev tom ntej no thiab. Yog hais tias, nej xav tau phau ntawv no coj mus pub rau lwm tus, thov nej sau ntawv ua lus Akiv (English) tuaj rau peb. Saib nej xav tau yam lus twg lossis tej yam lus twg uas nej xav tau coj mus siv rau cheebtsam ntawm nej nyob ntawd, thiab pestsawg phau uas nej xav tau coj mus siv. Thiab thov ua tib zoo qhia rau peb paub hais tias saib nej xav tau phau ntawv no coj mus ua dabtsi tiag.

**World Missionary Press, Inc.
P.O. Box 120
New Paris, Indiana 46553-0120 USA**

Muab tso ua ke yog
Watson Goodman

Txhais ua lus Hmoob yog
Kx. Paj Txhim Muas

Pub dawb xwb — tsis muaj muag



Read booklets online or by App
www.wmp-readonline.org
292/2 Hmong Daw HFA